



古今聯語彙選二集

第二册

祠廟 刹宇
慶賀 哀挽

上海商務印書館出版

祠廟二

臺灣延平王廟閩撫王文勤公凱奏聯云

忠節感蒼穹大海忽將孤島現 經綸關

運會全山留與後人開

甘肅李蓉石代人撰秦州宋荔裳先生祠水亭聯

北枕堅城勞公百堵經營不放山雲低度

西襟蕭寺爲我一池寫照頓教水月通

明

蓋城爲宋修水月寺其西鄰也

安溪蔣侯祠聯

從無仙宰不風流想當年春雨泥融吏散

定裁千箇竹 誰道清溪忘雅化看此日

夕陽苔護我來猶讀百年碑

古今聯語彙選二集 祠廟二

M9
I269rb

39:2



詞館建節侯 臺登庸極祿位壽之尊溯通

家接武科名曾向北湖分片席 交選樓

成者英社啓立德言功不朽記總角親承

顏色更從西浙仰高山

又李桓聯

我公爲當代名臣緬節鉞巡方校士肇經

輿論至今稱學海 此處是重陽福地仰

春秋享祀報功崇德君恩特許賜吳山

又劉克成聯

邗水萃鄉賢歷推後起人文誰能爲一代

經師三朝相業 吳山崇廟貌恰好重陽

福地眞箇看西湖月滿東浙潮來

A879335

又應賢時聯

鉅典重易名裘氏秋官紀氏春官一字榮
褒非公莫爲之後 崇祠開勝地學臣教
術疆臣治術萬家尸祝到今民不能忘

又德曉峯方伯集公句聯

胸前泉石千層起 眼底江湖一望通

又時慶萊聯

爲三朝宰輔是百世經師功德到今稱幸
持一瓣心香瞻拜先生新殿宇 聽萬弩
潮聲覽六橋風景湖山如此好每憶二分
明月依稀丞相舊祠堂

又方鼎銳聯

詰經舍廣學海堂深本道德以策治安一

代偉人循吏大儒應合傳 九省疆臣三
朝元老由節鉞而躋臺鼎百僚師表文章
通達錫嘉名

盛旭人題吳山趙恭毅公祠聯

正氣遏潮頭不須越弩三千偉烈直追錢
武肅 遺徽瞻廟貌分占吳山一角叢祠
近接阮儀徵

耿精忠之變李制軍之勞力扼衢州以保下游杭

垣得全軍民爲立生祠聯云

淮蔡之功茂矣抑又過之大難削平重奠
東南半壁 琴鶴之操凜然於今爲烈名
賢繼起恰符五百餘年

開封偉王祠正殿有河南巡撫李鶴年聯云

領袖四十八部獨抱精忠聽中原父老謳
歌儼然異姓汾陽大名諸葛 承平二百
餘年重扶景運祝此後神靈翊佑長與河
流萬古嵩岳千秋

李學仙題曾公祠聯

前不見古人後不見來者 下則爲河岳
上則爲日星

曾公重任兩江時學仙來謁詢其有無近作李曰

近集成句一聯即前不見古人後不見來者下則

爲河岳上則爲日星是也文正笑曰此四句我死

後爲祠堂楹聯却好無何文正卒學仙竟如公言

書聯以獻懸堂柱焉

曾文正公專祠遍東南而在江甯清涼山者尤宏

古今聯語彙選二集 祠廟二

麗辭感農觀察時雨題聯云

維嶽降神建補天浴日元勳俎豆蒸嘗曠
典邁雞鳴十廟 以勞定國增鍾阜石城
名勝香花尸祝斯人比龍臥千秋

浙省有維壯節王貞介合祠壯節名遵嚴乙未進

士浙江巡撫貞介名友端丁未進士署浙江布

政使同死庚申之難者也高滋園都轉聯云

由名進士起家爲名臣一開府一開藩浙
東西崇德報功人與白蘇共千古 是大
丈夫出身臨大節以戰死以守死城內外
矢窮援絕天教巡遠作雙忠

西湖蔣果敏祠聯

誠意所加國論所倚 前峯如幙後壠如

三

屏

又聯

時局猶艱公須有諸葛後身血性去當天
下事 人心不死我曾佐令狐記室湖山
親見昔年遊

西湖劉果敏祠聯

由駱文忠薦辟起家績佐中興豈獨大名
垂北塞 借蔣果敏提兵援浙謚同兩字
並開靈宇鎮西湖

又陳士杰聯

從左相國而來電掃雷轟力戰始有今日
距蔣公祠不遠風晨月夕過談當似平
生

又徐花農聯

岳麓起書生溯中興草莽英雄應不愧入
關鄧禹 湖波皆惠澤薦一酌桃花春水
倍難忘前度劉郎

又長白德馨聯

溪水度西冷曲檻平分葛嶺月 寺雲隔
南浦疎鐘搖破鳳林烟

又豐紳泰聯

蓮葉東西臨水檻 柳條南北看山樓

又成允聯

白雲自占南北嶺 明月誰分裏外湖

又某君聯

乾坤底定龍蛇蟄 風月清涼鷗鷺閒

濟南張勳果祠聯

遺像肅清高功若汾陽忠如武穆每當中
原板蕩天產異人間氣應知鍾河嶽 崇
祠宰肅爽鵠華張蓋千佛堆屏猶想萬帳
森羅令嚴上將儲胥常見護風雲

又聯

公有功若歷山高我欲瑯琊刻石徂徠摩
崖礪百戰空羣之偉績 靈其來兮靡筭
下誰持肥縣碧桃樂陵丹棗歛九歌傳舞
以迎神

又宮子行刺史用宋人句題公浙省專祠聯

新祠民祭祀 舊債帝償還

真州卞寶第題西湖彭剛直祠聯

古今聯語彙選二集 祠廟二

天語極哀榮無欲則剛直節真堪並南嶽
帝恩容退省有功斯祀專祠長許傍西
湖

又布政使許應鑾聯

公威懾華夷提勁旅下牂牁百粵騰歡以
忠義感人心耳溯大角高臺身臨前敵中
流砥柱力控上游喜斯時滄海波澄承平
有慶而南方卑溼地與士卒同嘗艱苦老
臣期盡瘁頓教痼疾入膏肓徒使楚庭耆
舊蠻島黔黎仰颯爽旌旗憶指揮羽扇眷
言廬宇我亦蒼生涕泣述豐功峴首難忘
羊太傅 帝恩曠今古界名邦作湯沐一
龕退省况俎豆從民望乎對雙峯聳翠岸

嶺當風三塔明漪塵襟澗月幸歷歲長江來

天塹刁斗無聲且西湖雲水鄉料精魂猶

或往來列帥本同胞應共寒芒照箕尾願

借越國搢紳錢塘部曲訪衡湘軼事譚皖

鄂戎勛肅拜崇祠薦傾白釀趨踰成鉅典

壺頭永奠馬將軍

又李光久聯

萬里掃妖氛收還三竺六橋龍虎韜鈴初

試手 千秋隆廟祀對此湖光山色鳶魚

飛躍亦銜恩

楊昌濬題左文襄祠聯

地近岳王墳死後不孤蔣廟劉祠皆舊部

奠酌聖湖水生前有語六橋三竺許重

來

徐莊愷公名有壬官江蘇巡撫死於庚申之難其

妾暨子女殉焉後建專祠俞曲園先生聯云

仗節鎮危疆當軍事土崩瓦解不可收拾

之時視城中無固志視城外無援兵摩頂

踵以報君恩婦豎與臺同授命 結纓完

大義與謚法履正志和使民悲傷有合在

吳會為名臣在吳興為先達節春秋而修

祀典日星河嶽共昭垂

咸豐間官文恭胡文忠捍衛全湘厥功甚鉅士民
祀二公於黃鶴樓姚崇聯云

功業本忠勤昔陶公今胡公此地此人要

使山河萬古 風雲無改變仙出世儒入

世倏來倏往笑看江漢雙清

肇慶府張忠武公國樞專祠聯

百戰子龍身是膽 千秋袁粲死猶生

左文襄撰壯勇義塚聯

無求生以害仁死且不朽 爲厲鬼而殺

賊魂兮歸來

陳忠愍化成以江南提戎督軍於吳淞中炮陣亡

勅建專祠熊觀察一本聯云

昔時未讀五車書雅量清心温如玉冷如

冰是大將實是大儒使天下講道論文人

愧死 此日竟成千載業忠肝義膽重於

山堅於石忘吾身不忘吾主任世間寡廉

鮮恥輩偷生

薛慰農觀察題向張二公祠聯云

百戰建殊勛身歷多艱非巡遠誰作汾淮

障蔽 雙忠崇大節功成諸將惟宗李實

開韓岳先聲

周馥題保定淮軍昭忠祠聯

重寫戰場文三輔河山常在目 偶吟故

鄉樂八公草木尙如神

無錫惠山昭忠祠有合肥李鶴章聯云

死事念諸君尙落得一席名山千秋俎豆

封侯嗤我輩倒不如杖游南嶽釣隱西

湖

金陵僧月澗工詩文善書彭剛直甚器重之其題

昭忠祠也園聯云

此日名園疏地脈 當年壯士挽天河

浙江藩署前有山名峨眉同治甲子歲俞曲園先生與諸同志於其地建崇義祠祀庚辛死難諸

公祠之右積石嵯峨乃山之峯也面峯有屋三

間顏曰峨眉山館並移大洞經閣宋思陵御書

道德經石幢於其前曲園先生題聯云

古墨尙存宋時石 遙青如對蜀中山

又李文忠聯

亭館接郊畿舊是宋遼分界地 鼓鼙思

將帥今看周漢再興年

浙省學宮旁忠義祠聯

近聖人之居容光必照 遵海濱而處明

德惟馨

某鄉忠義祠聯

自古皆有死 所欲甚於生

朱其詔題西湖林少尉墓聯

大節繼高風光耀一門俎豆 小臣知死

所香分萬樹梅花

少尉諱汝霖仁和典史闔門殉粵難葬處士墓西

又仁和董敬甫工部慎行聯

勁節抗冰霜千樹梅花皆玉照 叢祠倚

林麓滿山鶴唳卽神絃

又薛慰農聯

大節匹闔公取義成仁青史從今尊縣尉

忠魂依處士補梅招鶴孤山終古屬林

家

仁和徐花農琪韓江吳公祠聯

爲民請命誠通於天風雲來護神旗始信
吾鄉鍾問氣 振古如茲德無不報橋梓
同官粵會爭誇循吏有傳人

吳雲帆先生亦浙人昔官斯土多惠政其禱雨事
尤傳誦衆口

又題雷州陳清端公祠聯

海內數六清端惟我兩奉使來得以輶軒
瞻並美 人生有幾知己自公百餘年後
尙留文字話因緣

原註清端公爲康熙名臣實先文敬公會試總裁
所得士今其裔孫又爲予所拔國朝有清端六子
典試山右于清端後人以其先集見貽今到粵又

古今聯語彙選二集 祠廟二

得陳清端集是予之所到皆有一清端矣

劉忠誠祠落成外務部左丞某公聯云

可託六尺孤可寄百里命公無愧焉君子
與君子也 因保半壁地遂安九廟靈功
誠偉矣如其仁如其仁

林迪臣太守清未守杭與蠶桑創學校有文翁之

化卒於官吏民爲立祠孤山之麓山有林處士

和靖墓又有林少尉汝霖廟孤山一角均屬林

氏隱逸名宦可以合傳邦人士撰一聯刊林太

守祠柱云

樹穀一年樹木十年樹人百年兩浙無兩
處士千古少尉千古太守千古孤山不
孤

吳小宋大令章祁宰蓬溪有政聲民為立祠聯云

修其孝弟忠信可使制梃故曰仁者無敵

保我子孫黎民尚亦有利以此沒世不

忘

葉文忠公祠中有別室奉公小像座前柱上鐫公

自題聯云

黃閣誤承恩歎此日經綸辜負了金甌玉

鉉 青山頻入夢留衰年精力準備著竹

杖芒鞋

西湖長生祠極多楹聯佳者如莫寶齋侍郎題諸

城寶東皇總憲光緒長生位云

憐才心事無雙教澤深長留學校 知己

平生第一師恩高厚並君親

又劉金門侍郎長生位聯

歸興託尊鱸一代文章留北闕 清芬接

梅鶴百年風教在西湖

梁氏墓道在西湖之後湖為山舟學士之祖墓有

聯云

榮哀名德光千禩 仙隱風流配兩湖

朱子勤題廣州府學宮內孝弟祠壁聯

虛堂雅有二魚頌 古識新繙百鹿文

會稽陶社聯

由愛物至仁民先放生公所繼東湖書院

終法政學堂若論設施有功德於人自當

祀諸里社 擅詞章而金石碑版數百通

詩文數萬言校勘數千卷及觀著作踵李

趨而起可以藏之名山

陶社內附祀陶煥卿烈士朱興武將軍瑞聯云

革命十餘年亡命十餘年草草勞人半段
綠沈長飲恨 西湖一勺水東湖一勺水
家家春社數聲銅鼓唱迎神

葉頌清題朱興武墓聯

養士敢彎弓天上英靈白水此心誓知己

事農曾解甲田間舊部青山有淚哭將

軍

又王葆楨聯

倘不死定作勞人看兩年雨覆雲翻大陸
龍蛇多厄運 卽再生難回時局料來日
內憂外患空山猿鶴有餘哀

古今聯語彙選二集 祠廟二

又孫秉彝聯

斯世盜橫行於今人鬼深愁湖山曠劫
我公天奪去失却東南柱石吳越干城

又洪士俊陳最林聯

拂袖遽騎箕空有名山埋劍履 看碑同

駐馬尙攀大樹想旌旗

又王大榮聯

讀罷渭陽詩十載相依獨感秦康高誼
長揮峴首淚九原不作忍過叔子遺阡

又曾士瀛聯

公是繼表忠觀一流至歿身猶尊正朔
我爲刊駁議書兩卷未覲面遙哭知音

又葉燮光聯

十一

舉旂率子弟八千戮力北征赤幟重標新
建業 剪紙向丁沽七二招魂南返白衣
會葬古鹽官

又龔威海聯

安土是敦萬年不歷紅羊劫 長城竟壞

千古同傷黃鳥詩

又金然聯

勳名盛後忌心生毋怪當日風波若此

恩怨盡時公論出試聽將來月日何如

又程尙登程尙豐聯

勳勞未受茅土之封今日及泉殆猶有憾

精氣不與草木同腐如水在地庶幾其

神

又張世楨聯

埋骨爲求山西白鶴東金牛踏破芒鞋纔
得此一坏乾淨 同心堪誓水朝吳頭暮
楚尾追隨戎馬忍重提千載艱難

又越鐸日報社同人聯

郭李相迫平勃失歡可憐愛國軍人暮夜
代篡新帥印 管樂有才關張無命怕聽
哀時野老夕陽閑話舊戎容

朱蘭坡爲同邑江氏祠堂謹聯云

梁貴胄唐遺忠易姓前徽崇一本 欵僑

居涇奠宅敦宗後嗣叙三支

蓋江本蕭也昭明太子之裔復顯於唐末以避難
改姓居欵之黃墩南宋徙涇總稱黃泥灘江氏稽

其派則有三焉

又題朱氏支祠聯

春有心於露秋有心於霜遵戴記遺規欽

崇典祀 父之貴者慈子之貴者孝式文

公懿訓篤念倫常

此出聯尙可通用對語本文公家訓

婺源齊梅麓先生彥槐祠宇聯云

庸愚奮勉奮勉賢智賢智怠惰怠惰庸愚

十室內忠信原多祇在人心嚮往 富貴

驕奢驕奢貧窮貧窮勤儉勤儉富貴百年

中盛衰屢變非關天理循環

又題祠內正和堂聯

父子兄弟夫婦各敦其倫而一家正 水

古今聯語彙選二集 祠廟二

火金木土穀各足於用而三事和

又集毛詩聯

凡今之人莫如我同姓 聿修厥德無忝

爾所生

又題祠內敬思堂聯

曲禮蔽於無不敬 逸詩刪以未之思

又一長聯云

士恆士農恆農工恆工商恆商族少閒民

便有興隆景象 父是父子是子兄是兄

弟是弟門無乖氣方爲孝友人家

石門高氏出齊公族由穀熟遷姑蘇晉元興時又

由蘇遷池州其地在九華山西南曰魁峯曰石

門曰桃塢皆其地也俞曲園先生題其祠堂聯

云

卜宅晉元興石門秋色桃塢春風聚九華
秀氣縣延累代簪纓後裔至今懷祖澤
溯源齊公族穀熟分支姑蘇別派守百禩
清芬崇奉不祧俎豆先祠終古傍魁峯

薛慰農觀察自題薛氏支祠聯云

吾先人由西蜀來茲啓十七世門楣只耕
讀相傳不敢遠引皇祖奚仲 予小子自
古杭罷郡承五百年堂構願本支勿替常
思勉爲善士居州

潮州黃家祠孝思堂聯

服勞非孝奉養非孝孝之量曷有極 入
廟有思過墓有思思此身從何來

閩縣曾伯厚孝廉福謙家廟有聯云

道統紹一貫之傳師孔友顏來者直開學
孟 文章擅八家之譽接韓步柳同時並
駕歐蘇

江右安福李氏祖祠聯

臚唱兒孫三百輩 經傳道德五千言

蓋唐時曾放宗人榜三百人也

劉介爾先生題祠堂聯

胥訓誥胥保惠胥教誨各守爾典率乃祖
考尚書 以德進以事舉以言揚相觀而

善達乎朝廷禮記

有題宗祠楹聯云

小宗人僅千家念析支分族仍共本源善

勿交讓利勿交征仁義而已矣孝弟而已矣
大祭歲惟一舉極展誠抒敬不過信
宿孚可用禴享可用簋玉帛云乎哉鐘鼓
云乎哉

祠宇兩廊聯

周旋中規折旋中矩 室事交戶堂事交
階

祠宇廳事聯

家肥則族肥不外親親長長數大事 視
遠而聽遠全憑子子孫孫一個心

祠宇冬祭聯

終始循環萬物有祖 天地交泰四海皆
春

古今聯語彙選二集 祠廟二

新婚謁祠聯

迨其吉兮穀我士女 式相好矣惠予宗
公

又聯

先祖是皇肆筵設席 曾孫有慶鼓瑟吹
笙

西湖無祀木主廟有聯云

咳可憐窮性命做鬼無依禁不住放聲大
哭苦雨淒風螢火三更搖慘碧 吓你看
好兒孫克家有幾到不如異姓同堂秋霜
春露義田萬古薦馨香

琉球中山先王廟聯云

明德維馨克昌厥後 保世滋大載錫之

十五

光

琉球蔡端明祠聯

傳家茶荔都成譜 遺愛枌榆尙有橋

又聯

迪維前光是爨是訓 昭哉嗣服宜君宜

王

祠廟三

玉皇聯

四時春夏秋冬迭用恩威雨露雷霆分贊
化 八表東西南朔統歸覆幬星辰日月
拱宸居

滇南西山玉皇殿聯

春水船如天上坐 秋山人在畫中行

滇南西山三清閣聯

極目太華高偌大乾坤撐半壁 盪胸滇
海闊無邊風月倚層樓

又聯

先天地生溯閣中萬古燈傳極本無極

爲道法祖仰雲際三台鼎峙玄之又玄

古今聯語彙選二集 祠廟三

玄帝聯

廿八宿周天北辰居其所而不動 卅六
度出地上帝位乎極以無爲

福州城南有玄天上帝廟鄭直士部郎植題聯云

玄之又玄與天合德 上於無上惟帝居

尊

北帝廟聯

至誠感神吾聞其語矣 盛德在水民無
能名焉

金陵南門外清涼道院聯

眼前花雨迷三徑 門外青山送六朝

劉介爾先生題道院聯

花塢紅雲春句麗 石潭秋水道

宋陳與義

心空 明倪元霖

又題道室聯

自有琴書增道氣 宋孔平仲 且任芝朮伴

閒身 明揭傒桂

惠州玄妙觀爲羽士大道場古樾擎空奇石挺立

宋芷灣太史題其門聯云

玉局仙人留帶日 趙州和尚喫茶時

又蕭應植觀察聯

人靜玉簫清夜月一壺黃鶴舞 雲深丹

竈冷春風幾度碧桃開

寶應王文勤凱泰題應元宮聯

繞郭烟雲收一覽 出山雷雨慰羣生

侯官林穎叔方伯集句題九仙山王靈官廟聯云

神無常依惟德是輔 山不在高有仙則

靈

三天竺靈官殿聯

問爾輩從前何等樣人爾自摸心頭再來

拜佛 朝我過往後莫行歹事我這條鞭

下不肯容情

斗母聯

維北有斗居其所而衆星拱 靡依非母

中不遠者其心誠

西安八仙庵聯

自是君身有仙骨 何如此處學長生

泉州呂祖廟祠環像仗劍跨鶴庭有碧桃一樹梁

堯辰集詩品爲聯云

壯士拂劍高人惠巾生氣遠出 白雲初
晴碧桃滿樹獨鶴與飛

福州治山有贊化宮祀呂純陽嘗降乩與人談玄

沿病張榮題聯云

曾作宰官身檢唐苑名經春色曲江歸進
七 獨醒塵世夢話岳州詩事月華冶麓
拜飛仙

山陰孫太守廷璋呂祖廟聯云

點石果能成未必黃金猶是貴 炊梁容
易熟倦教好夢也須闌

滇南西山呂祖殿聯

海為瀾翻松為舞 石作蓮衣雲作臺

永牟縣屬之臨洛關有邯鄲觀即盧生入夢處壁

古今聯語彙選二集 祠廟三

上嵌蓬萊仙境四字為呂仙手書並有聯云

黃梁富貴本虛空須識個中人閒適未容
長睡去 白鶴神仙工點化無如夢裏客
甜甜不肯即醒來

廣州廣化善堂分院在白雲山麓中祀呂祖有集

左太冲蘇子瞻句為聯云

寒暑隔闕於蓬宇虹蜺迴帶於雲館 海
山浮動而出沒仙聖飛騰而往來

白雲山鄭仙巖一名舊鄭仙祠南海葉夢龍聯云

鶴留仙蹟著 巖古澗雲新

又陶文鼎聯

澗草足靈藥 僊山多白雲

又徐鐵孫聯

山猿借鉢藏新果 野鹿銜筐送早茶

常熟蔣子蕃題火神廟聯

且聞之炎炎者絕隆隆者滅 不見夫赫

赫厥聲濯濯厥靈

番禺陳蘭甫火神廟聯

緬思上古聖神四時鑽燧 請看太平氣

象萬戶炊烟

又代題風神廟聯

太平之時以不鳴條而瑞應 君子之德

在乎偃草而令行

齊梅麓撰風神廟聯

龍虎忌爭行廿四番花信吹餘致雨興雲

勿張旗鼓 豚魚占利涉七二候箕神簸

後飛芻輓粟好送帆檣

時以狂風匝旬礙漕運率屬虔禱有應故以為報

云

城隍廟聯最難著筆但為中人以下說法似不以

迷信為嫌聯云

欲誠其意毋自欺何必問吉凶禍福 獲

罪於天無所禱宜早辨義利公私

又聯

莫與命爭衡要知後果前因但觀現在

總憑天作主落得洗心滌慮一任安排

又聯

你的算計非凡得一步進一步誰知滿盤

都是錯 我却糊塗不過有幾件記幾件

從來結賬總無差

又聯

果報在當前世上何曾無地獄 沈淪由

片念人心須早息風波

又聯

暗室虧心未入門已知來意 自家作孽

欲免罪不在燒香

又聯

舉念時明明白白毋欺了自己 到頭處

是是非非曾放過誰人

京師都城隍廟聯

誰毀誰譽逝者如斯夫 不仁不智執之

而已矣

天津城隍廟寢殿聯

惟神則明無慙衺影 夫微之顯不爽毫

釐

張蝶庵偈吳山城隍廟柱聯

厲鬼張巡敢以血身污白日 閻羅包老

原將鐵面比黃河

浙江海神廟聯

山光撲面經新雨 江水回頭爲晚潮

鄱陽湖大王廟聯

傲岸幾千春帝遣潯陽平滄水 汪洋三

百里人從江右拜雄風

開封黃大王廟正殿聯

手障狂瀾船如天上坐 功參砥柱水自

地中行

開封將軍廟正殿聯

土厚泉甘百里魚旗符牧夢 地靈人傑
一方簫鼓逐神庥

正陽關金龍四大王廟係督銷局供奉薛慰農觀

察題聯云

以書生作河瀆尊神慶雪浪常恬與伍相
國威靈共著 惟齷政擅江淮美利願風
帆助順並入公山草木無驚

慶壽豐吳山龍神廟聯

飛在天見在田大澤鱗鱗欽雨潤 左爲
江右爲湖新宮翼翼想雲從

嚴麗生湘鄉縣龍王廟聯

春耕夏耘秋收冬藏萬物育焉鬼神之爲
德 雷出地奮雲行雨施百室盈止膏澤
下於民

白雲山白雲寺龍王殿柱有撫粵使者程喬采聯

惟德動天龍之爲靈昭昭也 其功在水
神之格思洋洋乎

齊梅麓龍神廟聯

九土足農田但期膏不下屯霖雨徧敷天
下望 三吳稱澤國更願流無旁溢江河
長向地中行

侯官林筱民孝廉從趙又銘宮贊于慎卿中翰冊

封琉球言二君題其國祠廟聯甚多如龍神廟

聯云

合長江大河而注諸海 能興雲致雨是
謂之神

會稽雷神殿有集句聯云

穆穆在下明明在上 赫赫厥聲濯濯厥

靈

分巡嶺東兵備使者沈守廉題潮州府城隍側雨

仙正殿聯

得志當爲天下雨 此身合是地行僊

原跋雨仙不知何許人亦不詳姓氏相傳求雨輒

應己亥春旱率屬禱之雨次日大雨得有年兆遂

感而書以志喜

舒擊甫金陵練湖湖神廟聯

四十里境隔紅塵暇日偶來遊正當蒲戰

古今聯語彙選二集 祠廟三

荷喧天地蒼茫入風雨 數百年靈徵玄

武今朝差解事俄見烟消雲斂湖山佳麗

媚春秋

蘇郡文昌宮之旁有太陽宮向不入祀典亦不在

朔望行香之例齊梅麓爲之聯云

光天開紉縵之祥雨非恆雨暘非恆暘二

十四氣成四時羣生並茂 化國衍靈長

之祚朝不廢朝夕不廢夕三百六旬有六

日庶績咸熙

馬平文昌關帝合祠有聯云

欲知前世因祇完得孝友一生便成陰隲

寄語後來者若認定君臣二字許讀春

秋

福州林春圃秀才集句題文昌廟聯

主善爲師學者必以規矩 在天成象煥

乎其有文章

京師文昌閣聯

天惟陰隲下民 帝乃誕敷文德

劉介爾先生題文昌祠聯

文壁突成天作柱 靈光遙聳筆如椽 均

王在晉句

清涼山在江寧城西北隅半爲城屏所謂鬼險城

即其近濠之山壁上建廟宇以祀神七月晦

前後居民禱祀絡繹不絕薛慰農撰文昌殿聯

云

四百八十寺過眼成墟幸嵐影江光猶有

天然好圖畫 三萬六千場回頭是夢問
善男信女可知此處最清涼

昭文縣文昌宮有陸彥蘇先生聯云

惟神陰隲下民司祿司中莫道文章由定
命 此地聖門故里求忠求孝還從德行

勉修途

吳世耀吳山酒仙殿聯

旗展春風天上一星常耀彩 杯邀明月

人間萬斛盡消愁

左文襄未第時題洞庭君柳毅廟聯云

馳驅雲路三千我原過客 管領重湖八

百君亦書生

孤山財神廟聯

有道生財不必壓殘金塢 無私惠我何須鑄盡銅山

又聯

富而可求人莫如求己 物惟其有有德自爾有財

番禺陳蘭甫財神廟聯

以義爲利則財恆足 既富方穀而邦其昌

相傳劉三山孝廉華東題財神廟聯

味味我思之傷哉貧也 僕僕亟拜爾彼何人斯

某處財神廟聯語絕諧聯云

頗有幾文錢你也求他也求給誰是好

古今聯語彙選二集 祠廟三

不作半點事朝也拜夕也拜教我爲難

又聯

富果可求一部奇書誇少伯 窮如能送千秋佳話頌昌黎

鄭板橋如皋土地祠聯

鄉里鼓兒鄉里打 當坊土地當坊靈

揚州旱門路北有靈土地廟其下爲過街亭凡喪

殯出城廟僧有路祭以此爲終歲盂飯計惟風

雪苦寒不能出戶廟中集聯云

到處雲山到處佛 當坊土地當坊

靈 鄭葵

冬心先生登嵩雜述詩云手開懶却注虫魚且就

嵩高十笏居到處雲山到處佛淨名小品情誰書

愈曲園先生舊居德清烏巾山之陽距所居里許

有土穀祠父老相傳曰堯皇土地以其有堯時

遺跡也曲園先生題聯云

耕而食鑿而飲相傳上古遺風尙留邨社

春有祈秋有報願與故鄉父老同拜神

旗

有廟祀社稷並祀土地聯云

吾土地也 有社稷焉

某處山頭土地祠聯

是有守土之責 知爲開山之神

土地祠合祀夫人聯云

公公十分公道 婆婆一片婆心

痘神廟聯云

到此日方辨妍媸更向鴻蒙開面目 過
這關纔算兒女還從祖父種根苗

嚴問樵保庸曰吾鄉出痘謂之出果種痘謂之種

苗嘗撰痘神廟聯云

一點心苗汝那裏好生培養 十分善果

我這邊總肯周全

天津厲壇後殿有如冠九廉訪聯云

振錫演孟蘭願火宅孤魂味甘露慈證寶

燄覺 塗金翻貝葉持水輪一字轉黑暗

地爲光明天

江西九江府有五顯廟中有一集句聯云

九江孔殷以享以祀 五人爲伍乃聖乃

神

杭州金華將軍卽曹吳將軍之廟也將軍仕後唐

爲金華令吳越時守婺州錢氏入朝委以國事

吳卽城隅浚三池曰湧金旣歿民爲立祠池上

其神每化爲蛙游戲人間後見于俞樓曲園先

生聯云

踵鄴侯六井鑿金牛湖畔三池利澤縣延

百世祀 傍坡老古庵築碧霞亭前新舍

神靈飄忽一來遊

沈鹿坪先生題太姒神祠聯

德並高禔猶衆之母 慈同大士則百斯

男

唐武后墓聯

鸚鵡能回千載夢 麒麟空臥萬年秋

古今聯語彙選二集 祠廟三

華山玉女宮聯

唾落珠璣天上雨 步搖環珮夜來風

梟磯靈澤夫人廟聯

思歸思歸空自思歸我將奈何蜀道可憐

天子 獨活獨活義難獨活人誰不死吳

江留得靈仙

又聯

聯吳蜀親結吳蜀仇千古奇人千古奇事

感郎君情盡郎君節一心爲義一心爲

貞

鄭仁圃喜爲楹聯時見意匠有題天后宮聯云

補天媧神行地母神大哉乾至哉坤千古

兩般神女 治水禹聖濟川后聖河之清

海之宴九州一樣聖功

又擬九江府天后宮牆外集句一聯云

潮平兩岸闊 花滿九江春

蓋牆外臨大江牆陰則花園也

福州馬江船政局中祀天后其殿材俱來自外洋

沈文肅公葆楨題聯云

惟神天竄聰明願千秋靈爽式憑俾倂巧
班工同成寶筏 此地海疆門戶看萬頃
滄波不動有冰夷洛女虔拜雲旗

又汪應辰聯

秋社薦黃花正簫鼓重陽證果三生天竺

夢 故鄉思荔子記湖山招隱先芬一卷

邵州詩

原注神生時母夢觀音抱送神女宋雍熙四年九月昇化高祖蓋為唐邵州刺史著有邵州集

沈文肅題天后宮內千里眼金將軍聯

視遠惟明知普度衆生全憑慧眼 思溺

由己願永清四海上慰婆心

又題順風耳金將軍聯

恰幸薄海同風世上痼瘵都入聽 幸為

蒼生請命箇中消息總關心

福州梁禮堂題天后宮聯

自神禹後一人盛德在水 由大宋來千

古宗祀配天

江蘇廣東會館祀關帝天后柱鐫聯云

帝天同德 吳粵一家

安徽天后宮聯

天監有赫 后德無疆

下書裔孫福祚獻

又金仲和茂才聯

天監厥德 后来其蘇

福清石竹山夢神即九鯉湖之仙里人祈夢輒驗

仙人為隱語或謎言極婉轉曲折相傳明葉臺

山相國少時祈夢夢神書富貴無心想功名兩

不成之句示之初以為不祥後悟想字無心則

為相相國乃戊戌進士戊戌二字兩不成也侯

官陳伯潛寶琛製廟聯云

雖癡人可與說夢 惟至誠為能前知

仁和徐花農琪悅城龍母廟聯

古今聯語彙選二集 祠廟三

義不受秦封迴將風馬雲軍大岱長松無

此節 澤今留粵嶠薦以黃蕉丹荔水仙

秋菊付諸耶

太平寰宇記引南越志母温姓始皇遣使聘之母

不願行至始興江輒使龍於舟下引還原處如是

數次使者不敢迫後人因於其地立廟以祀云

漢口有桃花夫人廟一聯議論在言外聯云

列女傳從劉向定 夫人心祇息侯知

禾花夫人祠聯

栽者培之其始播百穀 母也天只所以

養萬民

武昌城內劉園花神祠聯

五百年為園主人高臺曲池點綴江城如

十三

畫裏 十二月催花使者和風甘雨氤氳
香國得春多

淮安漂母祠屏鐫聯云

姓氏隱同黃石遠 英雄識在鄼侯先

浙江曹娥廟大門有聯云

事父未能入廟傾誠皆末節 悅親有道
見吾不拜也無妨

高郵露筋祠蓋唐宋間人姓蕭名荷花與嫂過此

不肯投宿田舍被蚊齧露筋而死者陶文毅公

謝以御史巡漕禱雨有應疏請賜額貞應其禮

聯有云

白水至今猶一色 綠楊到此不三眠

又聯

誰與共三秋有江上曹娥溪邊蔣妹 我
來遊此地正湖心月白門外風清

又某君集漁洋詩聯云

湖邊孤寺半烟篠 門外野風開白蓮

又陳曼生郡丞鴻壽聯

江淮君子水 山木女郎祠

又舒摯甫聯

相沿已非一朝卽今異代傳聞尙增過客
詞人之雅慕 其事姑弗深考要知千秋
香火不越忠孝節義數大端

滇南三烈祠祀沐黔國沐天波母陳氏妻焦氏妾

夏氏沙寇之亂陳自焚於朝陽庵焦自焚於傘

井庵清兵陷昆明夏自縊祠有聯云

融山千仞慨積鐵堆青錯無可鑄 黔國

三英歎重泉化碧死有餘哀

瑞安城內有孝子亭孝子謝姓忘其名隣舍失火

孝子抱母柩慟哭願以身殉既而風止火息卒

得保全人以爲孝感黃仲毀先生題亭聯云

誠無不通反風滅火尋常事 國有與立

拄地撐天一小亭

吳柳堂先生題何烈女祠聯

將伯妾何曾謝鄰翁耿耿丹心同此俠腸

一副 嗾葵兒豈暇看座上猙猙黃耳也

添佳話千秋

原跋烈女年十四山寇發一賊入室逼之忿罵遇

害鄰人楊叟來援傍一犬突嚙賊均斃賊手今祠

古今聯語彙選二集 祠廟三

中像一老翁一犬於左右云

秋俠女祠有桐鄉張某聯云

六月六日 秋雨秋風

刹宇

莫愁湖觀音亭聯

湖水本無愁狂客未須澆竹葉 美人渺

何許化身猶自現蓮花

全椒薛慰農觀察題金陵清涼寺僧舍聯云

遺構湖南唐避暑離宮無片石 新詩吟

玉局臥雲長老有千秋

虎邱山後風景幽絕一古刹聯云

乾淨地常來坐坐 太平時早去修修

梁荳隣曰語極冷雋畫舫往來笙歌鼎沸之外忽

聽禪窟機鋒真如暮鼓晨鐘發人深省

姑蘇寒山寺何剛德聯

逍遙作塵外閒觀幾度滄桑重說夢 次

第復燹餘元氣滿江霜月好尋詩

又樊恭煦聯

江楓漁火勝地重來與國清寺並起宗風

依舊鐘聲聞半夜 木屐樺冠仰天狂笑

有寒山集獨參妙諦長留詩句在吳中

又鄒福保聯

塵劫歷一千餘年重復舊觀幸有名賢來

作主 詩人題二十八字長留勝蹟可知

佳句不須多

蘇州光福鎮南五里許元墓山麓有崇恩禪寺僧

徒百餘人院宇數十處清高宗昔駐蹕其間有

聯云

竭來客路誰青眼 笑指山僧已白頭

鄧尉奇秀甲吳下去柏因寺二里許有石壁作斧

劈斲僧舍一額曰石壁精舍有聯云

問何年力士開山神斤鬼斧小築浮圖石

骨插天高回溯齊梁四百八十寺名蹟蕭

條獨留峭壁 有幾處世尊普度寶筏慈

航能超孽海湖光連天湧遠看吳越三萬

六千頃清波浩淼更上層臺

吳縣石韜玉聖恩寺還元閣聯

太華夜碧人聞清鐘 西山朝來致有爽

氣

又常熟翁松禪老人聯

點燈默坐還元閣 磨墨重題大歇關

京口竹林寺聯

振錫岡前猿獻果 挈瓶泉畔鷺翹沙

北固山甘露寺有黃祖洛聯

六朝山色收杯底 千里江聲到枕邊

鎮江南焦竹林寺在城南金鶴望聯云

江上飛雲來北固 帝前動笏移南山

上聯為蘇詩下聯為長吉句

全椒薛慰農觀察偕劉省三爵帥周海齡軍門韻

珊瑚織雲兩女史游焦山自然庵題聯云

鶴去難迴留片石孤雲共參因果 我來

何幸有英雄兒女同看江山

金陵地山下烏龍潭上有駐馬庵係女尼住持薛

慰農觀察題聯云

水如碧玉山如黛 鳳有高梧鶴有松

鎮江金山寺膳堂前有一聯曰

一屋一椽一粥一飯檀信膏脂行人血汗
爾戒不持爾事不辦可懼可憂可嗟可歎
一時一日一月一年流光易度幻形非
堅凡心未盡聖果未圓可驚可怕可悲可
憐

金山第一泉旁有僧屋懸一聯云

狀元才調萬株柳 太守風流第一泉

泰州光孝寺規模宏敞方丈某撰聯云

十年河東十年河西切莫放年華虛度
一脚門裏一脚門外可曉得脚步留神

龍潭行宮清高宗聯

岡巒縈繞桑麻富 洲渚參差颿槳通

古今聯語彙選二集 剝宇

又聯

三茅天際青蓮聳 二水雲邊白鷺分

又聯

聖蹟長留欣繼武 慈顏有喜慶承歡

又聯

風物江山豔陽候 人文都會太平時

江寧慈應寺清高宗聯

地近秣陵飛法雨 江連天塹聽潮音

江寧永濟寺清高宗聯

吳楚江山通廣望 華嚴樓閣總懸居

江寧清涼寺清高宗聯

波心似鏡留明月 松韻如簧振午風

江寧雞鳴寺清高宗聯

法身常現寶塔品 空界似聞曇鉢香

江寧報恩寺清高宗聯

天半插浮圖宮殿金銀三界上 雲中現

忉利樓臺丹碧六朝前

棲霞行宮清高宗聯

蘿壁峭中尋昔句 松軒勝處得今停

又聯

奇松詭石天然淨 澗草山花自在芳

又聯

無礙搜奇披谷靄 有時延賞愛巖風

又聯

不生波處心恆定 大寂光天相總融

又聯

氣接鴻蒙開遠勢 峯連青靄入高空

棲霞受翠樓清高宗聯

衆花勝處松千尺 羣鳥喧時鶴一聲

又聯

澗筑松濤相問答 峯容波態總氤氳

又聯

松間覓雲徑 石罅酌壺天

浙江淨慈寺濟顛肉身以漆髻之寺僧了凡上人

屬蘇堤題聯云

不逢哥利王何得漆身為厲 若遇秦丞

相也驚垢面風癡

垢面風癡語見精忠記傳奇掃秦劇

趙良鬻題紫雲菴聯

紫石煙雲作屏障 青天風雨走蛟螭

又嚴保泰聯

有崇山峻嶺茂林修竹 無恐怖遠離顛

倒夢想

紹興戒珠寺講經堂聯

樵語落紅葉。經聲留白雲

又聯

獅吼象鳴登法座 龍吟虎嘯出天台

又聯

不生不滅不垢淨不增減度十方苦是名

諸佛 無我無人無衆生無壽者離一切

相方見如來

西湖聖果禪寺在鳳凰山南宋禁苑故址清高宗

古今聯語彙選二集 剝字

聯云

花含春意冶 石戴古皴奇

南屏山白雲菴聯

瓶添澗水盛將月 衲挂松梢惹得雲

西湖孤山寺舊有用張祐詩爲聯云

不雨山常潤 無雲水自陰

又有用林和靖詩爲聯云

白公睡閣幽如畫 張祐書碑妙入神

西湖雲栖寺聯

身比閒雲月影溪光堪證性 心同流水

松聲竹色共忘機

又薛慰農聯

到此方知官是夢 前生安見我非僧

五

錢塘丁修甫中翰立誠虎跑寺聯

龍呪鉢中安西方聖人現四十八臂具大神力
虎移泉眼至南嶽童子歷百千萬劫留此真源

又題寺內鐘樓聯

靈毓貴人峯泉湧虎跑歷五十三參衆生來度
喚回塵世夢鐘鳴鯨吼願一百八杵大地同聞

又寺內滴翠軒仁和陳豪聯

古墨露垂秋蘇長公勝留書草 幽香風蘊夕潞佛子石映畫蘭

又聯

山翠滴前楹勝草曾留名宦迹 泉香餘

片石畫蘭爭訪勝朝碑

明末有海中渠魁至普陀山設齋一月手題楹柱

云

自在自觀觀自在 如來如見見如來

理安寺前九谿橋上周氏經塔石柱聯

自鳩摩師重譯而來六代梵王鐘所刻靈文無此勝
與貴妃塔並傳不朽九谿功德水甚深妙法許同參

天竺法喜寺觀音殿兵後重修滿溯如冠九廉訪

題聯云

救百千萬劫具大慈悲湖山無恙 現三十二身說妙功德物我同春

蕭山觀音寺聯

若不回頭誰替你救苦救難 如能轉念
何須我大慈大悲

高小樓觀察枚題黃山慈光寺聯云

蓬飛九品爲黃海 獅吼一聲下玉屏

廣州城東北白雲山下有濂泉寺張樹棠題其門

聯云

青松如膏沐 白雲生坐邊

廣州白雲山麓彌勒寺門聯

大歡喜地 小竺迦天

秋溪老漁陳衍虞題潮州西湖大雄寶殿聯

托鉢僧回碎剪湖雲補破衲 聽經客至

閒敲石火煮新茶

廣州大佛寺有聯爲香山鮑俊書聯云

古今聯語彙選二集 刹宇

百千日月百千須彌盧不出蓮花藏裏
八萬人天八萬賢聖衆同游香水海中

仁和徐花農琪清遠縣峽山寺聯

何處寺飛來天與開山留佛住 此間塵

不到我非觀水亦心清

寺在縣北一名飛來寺後有水簾百丈爲北江之

勝

大庾嶺上雲封寺二名挂角寺寺門聯云

山中藏古寺 門外盡勞人

又聯

驛使暫停花下騎 寺門深掩嶺頭雲

又觀瑞聯

挂角何時偶爲嶺上主人猶想像千秋風

度 舉頭欲問可許山中置我試管領萬

樹梅花

廣州能仁寺陳世錕聯

以諸花香而散其處 合衆鼻孔盡爲德

雲

廣州城西六榕寺旁有石刻楹聯爲坡老集句云

一塔有碑留博士 六榕無樹記東坡

一 海山詩話云高州金蓮菴爲芾南先生重修高要

彭春洲明經宗題聯云

臥蓮瓣讀書是天人福慧 見桃花悟道

須來者聰明

廣州華林寺有五百羅漢堂盧東侯比部福普聯

云

法雨化分千佛國 曇雲初護五羊城

福州城南于山觀音殿有朱海谷觀察桓聯云

五虎階前聽法去 雙虹水面渡人來

殿面五虎山旁夾洪山萬壽兩橋

福州鼓山湧泉寺法堂聯云

於一毫端現寶王刹 坐微塵裏轉大法

輪

又齋堂聯

五夜工夫鐵脊梁將勤補拙 二時粥飯

金剛脣易食難消

說者謂武夷九曲殆寓仙家金丹九轉之旨黎士

宏題山寺聯云

九曲初通三島近 萬山遙拜一峯尊

嵩明州海潮寺濱瀟湘江上擅水木之勝方丈中

懸鄂剛烈公容安書唐人句云

海暗雲無葉 山寒雪有花

又昆明陸漱亭孝廉藝題聯云

雲連樹色微分岸 船載波光直到門

阮文達公元題嵩明州蓮花寺放生池聯云

子產舍魚溯放生之始 莊周知樂開轉

偈之機

薛慰農觀察題放生寺僧舍聯云

種菊成畝種藥成畦此是僧家本分 有

鳥休羅有魚休餌長留佛地生機

某寺放生池聯

天地一網罟欲度衆生誰解脫 飛潛皆

古今聯語彙選二集 剝宇

性命但存此念即菩提

又某君聯

無力放生先戒殺 有心爲善莫欺天

滇南鐵峯庵觀音殿聯

上第一峯頭到處皆當撒手 空大千世

界看來盡是忘機

陳子重鼎滇黔紀游云普安縣出南門外有山嶺

名鸚哥嘴甚險峻上有鸚鵡寺聯額皆王繼文

先生書大殿有制府蔡公一聯云

一峯天半聞鸚語 萬籟松間只鳥啼

桂林七星巖下有壽佛洞僅容旋馬內有古壽佛

石像後因建爲棲霞寺梁荏隣集唐句爲聯云

白雲回望合 青靄入看無

古今聯語彙選二集 剡字

風洞山如來佛殿聯

諸天歲月無今古 此地山林有性情

陳少巖明府題白雲堂聯

鐘磬出林和石韻 風泉繞屋送秋聲

又聯

三山蒼翠分旗鼓 一柱風濤砥越甌

又梁禮堂觀察聯

手攜風雨諸天遠 脚踏波濤大海環

又某君聯

想來紫府亦如此 招到白雲將贈誰

陳棠溪儀鏡集華嚴經題四大天王殿聯

永離盡纏放無量色光明網 常服善鎧

出不思議變化雲

十

又鮑逸卿太史俊聯

四部洲統領諸天大千世界 八功水普

施衆地不二法門

彭大虛上舍尙志題華林寺客坐聯

香龕十笏佛無語 清磬一聲人到門

長壽寺齋堂聯

兩條筋是雙樹下現相 一鉢飯從衆香

國乞來

長白長樂初將軍善題九老堂聯

效白樂天結香山社 拓黃金地養杖朝

年

黃廂嶺有庵僧見修母子出家於此大興劉處士

繼莊題堂前聯云

奉親入道成眞孝 教子離塵是大慈

又題山門聯

門外鳥啼花落 葦中飯熟茶香

楊蘭坡題倒坐觀音像云

問大士緣何倒坐 恨世人不肯回頭

劉介爾先生題禪林聯

滿地雲山皆幻境 十方世界是

全身

又聯

萬章老樹千竿竹 一席茆庵百

衲身

又題佛堂聯

引大海之法流傳智燈之長燄 承至言

於先聖受眞教於上賢 均聖教序

又題禪堂聯

六根但守三空戒 雙眼眞傳七

祖燈

又聯

悟來大道無多事 勤破禪機總是

空

又題經堂聯

萬壑松篁和梵唄 滿山猿鶴念經

聲

又聯

閒翻貝葉添新藏 自剪芭蕉寫

佛經

又題僧房聯

流水迷松徑

明吳純叔

閉雲來竹房

唐繼

某君禪房聯

烟雲起滅刹那耳過去劫塵重拓維摩方

丈地 水月空明悟澈了本來面目便超

羅漢十三尊

蔡佛田言佛寺聯記得有二聯極雋永聯云

願將佛手雙垂下 摩得人心一樣平

又聯

彈指聲中千偈了 拈花笑處一言無

琉球善興寺聯

孤磬發清響 濃雲生夕涼

又寺中不動尊聯

四大皆空從何處坐 獨立不懼作如是

觀

琉球東禪寺聯

頑石有禪意 古木生晝陰

琉球龍渡寺聯

得句佛亦喜 安禪龍自馴

琉球臨海寺聯

是詩境佛境 有鐘聲潮聲

又聯

此身恍入水精域 與佛曾結歡喜緣

琉球三光院聯

奇字偶模天竺帖 大觀不羨廣陵濤

慶賀一

民國第一元旦杭州舉行慶祝典禮會場聯云

元歲元宵補祝紀元之日 一心一德歡

迎統一之人

又杭府民事長汪曼鋒先生署中自題聯云

揚大漢天聲同我太平好借壺簞祝春酒

紀元年正月與民更始先從耕織繪邠

圖

民國五年杭垣雙十節慶賀聯云

以去年今日比今年今日一樣世情偏冷

煖 插共和之花獻共和之神萬人空巷

祝昇平

又會場牌樓聯

古今聯語彙選二集 慶賀一

飛瓊賀江山薪膽毋忘疇昔事 廣場新

耳目金鑾齊唱太平歌

又聯

合軍民萬衆而齊奏嵩呼江上濤聲無此

大 陳魚龍百戲以與民同樂平湖月滿

不須歸

曩年京師開釋迦二千九百四十年紀念會鄭叔

達聯云

自恆星不見至涅槃一彈指觀賴迦衛事

來咸歸阿覺 看今日大同新震且開無

遮會願衆生度盡普放光明

又嚴幾道聯

願聞第一義 爲洗千劫非

古今聯語彙選二集 慶賀一

又羅撰東聯

西域化人初生利利 東土大衆永紀勝

遊

明代三元惟商文毅公輅一人某年七十生日李

文正東陽贈聯云

自老年華稀七秩 本朝才望重三元

明侯官林太守春澤正德甲戌進士至萬曆己卯

年百歲有司爲建人瑞坊嘗自撰門聯云

四十登科甲戌還登甲戌榜 五旬生子

長孫又抱長孫兒

潘榕皋奕舊以八十六歲赴瓊林重宴萬洗雲贈

聯云

泮藻重游萃筮重聽瓊林重宴 老子壽

星哲嗣德星賢孫文星

時其子理齋農部終養廿年餘理齋之子新入泮

宮云

張仲甫先生爲庚午孝廉至己巳歲年八十翌年

重賦鹿鳴宴精神淵著述內典著書甚多而春

秋屬詞辨例六十卷尤爲鉅製俞曲園先生贈

以聯云

萬卷擁書城精神滿腹著作等身積卅年

雪案螢窗尤於麟經有得 兩回遊泮水

淨土潛修名場倦踏看明歲蒼顏鶴髮重

歌鹿鳴而來

蘇隄賀俞曲園先生重宴鹿鳴聯

讀頻年箸出新書亦既五百餘卷鶴壽無

量尙有精華揮不盡 憶綺歲卽登上第
忻此八十二歲鹿鳴重宴謹當步武待將
來

俞曲園先生同年張任庵道光己酉舉於鄉庚戌

成進士其子翰堂同治癸酉舉於鄉甲戌成進

士父子並以酉戌聯捷曲園先生贈聯云

北山梓南山橋聯步到桂宮杏苑 酉年

科戊年第成名占後甲先庚

閩縣曾霽峯太史暉春爲亦虛大令元澄之父曉

滄觀察兆鼐之祖曾親見五子登科孫三世進

士其廳事有聯云

魯國簪纓三葉茂 燕山門第五枝芳

乾隆間閩中壽民沈起龍夫婦百歲子孫五世四

古今聯語彙選二集 慶賀一

十餘口同居巡撫請旌於朝得賜詩褒美載高
宗御製集洵盛事也其家猶藏大吏贈聯云

孫子生孫五代幸逢全盛世 老人偕老

百年共樂太平春

番禺許拜庭封翁廣揚曾有五代一堂之慶孟蒲

生孝廉爲聯云

事祖事父祖事祖事父事祖事父 有

子有孫子有子有孫孫有子有孫

乾隆五十五年八旬萬壽京中有一經壇燈聯云

八千爲春八千爲秋八方向化八風和慶

聖壽八旬逢八月 五數合天五數合地

五世同堂五福備正昌期五十有五年

相傳是河間紀文達公手筆

嘉慶己巳五旬萬壽福州經壇設在鰲峯書院鄭

仁圃太守瑞麒擬聯云

沙數恆河合十佛稱無量壽 潮音大海
呼三聲協不周風

嘉慶己卯六旬萬壽福州經壇亦設鰲峯書院所

有燈聯俱周蒼士廣文嘉璧擬作聯云

如大海潮音衢歌祝聖 比恆河沙數壽
寓添籌

又聯

呼萬歲者三康疆逢吉 等百王而上福

祿來崇

又聯

帝命式九圍俾緝熙于純嘏 皇斂時五

福用敷錫厥庶民

又聯

功既成矣世既貞矣參天貳地 龔乎鼓
之軒乎舞之蹈德詠仁

有生於七夕居百花巷者李笠翁賀以聯云

七夕是生辰喜功名事業從心處處帶來
天上巧 百花爲壽域羨玉樹芝蘭繞膝
人人占却眼前春

廣東馮潛齋自貴州學政歸年九十餘始卒乾隆

壬寅八秩與其夫人同庚結褵週甲親友門生

駢集稱慶重行花燭交拜之禮自署門聯云

子未必肖孫未必賢屢忝科名只爲老年
娛晚景 夫豈能剛妻豈能順重諧花燭

幸邀天眷錫遐齡

陳望坡尙書七十賜壽曹文正公振鏞聯云

帝命汝作士惟明克允 天錫公純嘏俾

壽而昌

又鄭仁圃太守聯

望重達尊北斗尙書南極老 恩承敬典

天朝耆舊地行仙

陶雲汀督部駐節金陵六十賜壽時當十月其故

人某君爲聯以賀云

天錫公純嘏遐齡萬戶騰懽安得長江變

春酒 我來賞青山紅樹幾番招隱且折

霜蕤浸玉醅

香山黃壽廷先生增慶生於乾隆庚午至道光庚

戌許信臣祭酒乃劍督粵學始補博士弟子員

咸豐辛亥欽賜舉人壬子授國子監司業已百

三歲矣或贈以聯云

四朝身歷昇平日 百歲人呼矍鑠翁

蕭山湯文端壽某中堂聯

俾緝熙于純嘏 用勸相我國家

嘉慶乙亥二月三日仁宗命王蓮府少宗伯宗誠

爲其父文僖公懿修豫稱八旬之觴黃左田尙

書鉞贈聯云

謝恩孫代趨朝杖 上壽兒歸聽講筵

蓋是日仁宗御經筵蓮府時以禮部侍郎職司典

禮而文僖公至景運門謝恩仁宗先諭令率孫扶

掖也

程梓庭總督閩浙時其封翁九十壽辰程春海侍

即以聯寄祝云

六秩翁侍九旬親况伉儷偕老子孫賢問
內外貴僚誰同大福 七閩歌兼兩浙舞
合充豫去思吳楚頌願東南吉曜直麗中
台

蓋梓庭曾旬宣山左巡撫中州楚南吳下封翁皆

就養云

侯官林鄉谿先生昌彝經術湛深尤精三禮沈文

肅公少時嘗受業其門先生七十生日公祝以

聯云

壽世文章一代斗山韓吏部 等身述作
六經淵海鄭司農

侯官沈文肅公為船政大臣時為封翁慶七十壽

王子希徵君景賢製聯云

帝賴長君作舟楫 天留大老看湖山

沈文肅督兩江時年六十老友周梅初先生年七

十公寄壽聯云

介壽朋來而我獨羈千里足 傾心兄事
為君多讀十年書

梁蘆隣中丞七十生日王叔蘭以聯寄祝云

二十舉鄉三十登第四十還朝五十出守

六十開府七十歸田須知此後逍遙一代

福人多暇日 簡如格言詳如隨筆博如

旁證精如選學巧如聯話富如詩集略數

平生著述千秋大業擅名山

歸安沈鹿坪進士焯壽陸鏡寰先生七十聯云

地本仙居鳩杖親攜尋藥餌 官真吏隱

鶴觴小酌詠梅花

先生時官仙居教授

侯官沈丹孫孝廉壽其外舅林劭甫先生七十聯

云

品學世儒宗洛社衣冠耆德更推康節老

湖山仙眷屬幔亭風月曾孫羅拜武彝

君

閩縣張薇三孝廉拱辰正月十七五十生日陳述

齋部郎贊圖聯云

錦瑟編年袖有畫眉京兆筆 金錢買夜

案多侑酒穀城書

古今聯語彙選二集 慶賀一

何芝生先生壽周蒼士學博嘉璧聯云

名山梅鶴饒清福 陸地神仙占大春

閩縣郭遠堂中丞柏蔭以湖北巡撫引疾歸里時

長子穀齋太守已官浙江孫亦館選有年少子

及姪並舉於鄉次年七十壽日陳伯初孝廉聯

云

耆英洛社萬家佛 草木平泉一品詩

范春泉大令生於二月十六日其五十時適與天

津海運之役辭慰農觀察贈聯云

大衍添籌一百六日春光好 長才奉檄

七十二沽游興濃

又壽徐某六十聯云

櫻筍開筵娛君以葉子戲 芝蘭繞膝先

七

我周花甲年

徐好手談長觀察一歲故云

閩縣楊子恂太史仲愈壽曾亦廬大令元澄六十

聯云

天壽老詩人大集編年粟里琴樽縣甲子

民懷賢令尹小春愛日棠陰歌祝徧湖

山

大令生於十月十四日曾任浙江樂清黃巖縣著

有養拙齋詩草

長沙朱雨田內閣八十生日粟谷青孝廉聯云

宰相山中新內閣 壽星天上古長沙

湘陰郭筠仙侍郎幼時以神童名一日購肉鄉市

屠主戲謂曰某有一對曰小豬連頭一百斤君

對就當以肉贖郭應曰大鵬展翅三千里屠主

欣然贈之後入館選客有乞書壽聯者詢何日

曰十一月十一日郭援筆直書云

十一月十一日 八千春八千秋

道光中有某公官樞密與成廟同庚生日則在除

夕南海桂星垣觀察文耀以翰林官京師賀以

聯云

一德贊襄帝與元臣同壽考 四時調燮

天生上相在春前

番禺陳蘭甫先生邊壽方柳橋太守恭惠聯

性嗜多藏書嚼其精華自得壽考 年方

服官政加以歲月當至公卿

曾文正六十壽辰俞曲園先生聯云

大勇在安民運際中興出名世 小春欣

遇閏天教兩度祝延齡

方子可先生祝會忠襄聯

伯氏吹瑱仲氏吹簾其人美且仁惠此中
國 南山有臺北山有萊俾爾昌而熾保
彼東方

會時撫山左

楊子恂太史仲愈壽李眉生方伯聯

岷精降福聿鍾奕葉王孫五花馬千金裘
彩筆縱橫萬里溯會昌制集長慶詩篇海
岱文章斗北才名齊綺皓 淮甸運籌蔚
起中興人傑一品衣九仙骨黑頭笑傲三
公看洛社衣冠午橋莊墅湖山蹴佩江南

兒女拜劉樊

李文忠六十壽辰張樹聲聯云

文武爲憲江漢承流東閣啓平津一門競
爽皆元老 甲子初周洞庭張樂南樓奉
王母七月既望羅羣仙

又郭遠堂撫部聯

爲四海蒼生祝南極壽星不老 有六旬

萊子知北堂愛日方長

又開歸陳許道倪文蔚聯

貴人大歡舉家蒙寵 王母多福使君延
年

又湖北京山縣知縣沈星標聯

西平爲社稷而生自古股肱原資岳牧

陶侃秉武昌之節天下脊脊厥惟荆襄

又湖北試用道吳寶善聯

黑頭廿載握疆符出雙節入雙旌早聞三
楚騰謳伯仲間見伊呂 黃髮四朝膺帝
眷后一心臣一德更介百僚祝嘏八千歲
為春秋

又湖北天門縣知縣邵世恩聯

汾陽王七月拜天孫公尤誕應昌期定比
古人多壽考 平津侯六旬為博士彼且
晚躋相位何如元老早登庸

又候補道吳寶森聯

霍山南鎮嶽星降神六十日耆五辰斯會
漢江東來秋水時至八千為歲三楚其

蘇

粵督李筱蓀壽聯

華祝集羣仙先庚三日後庚三日 棣輝
聯上相南斗一星北斗一星

李以七夕後一日生是年辛卯七月四日立秋

辛卯七月既望丁松生先生六十壽辰孫炳奎賀

聯云

秋分二星南丈人見 旬有二日西王母
來

又俞曲園先生聯

十萬卷收有用圖書四部補完天府冊
三千善積無邊功德百年修到地行仙

長沙鄭幼惺觀察名業數早年佐左文襄戎幕官

至直隸霸昌道嗣以某制軍調赴江南因卜居

焉子沅以甲午第三入及第觀察七十生日樊

樊山祝以聯云

借籌公佐中興業 進酒兒探上苑花

又李梅庵聯

有子聲名動天闕 祝公眉壽齊霍衡

薛慰農觀察壽陳伯庚親家八十聯云

襟上酒痕多十載同舟如李郭 邨邊花

事好兩家卜宅作朱陳

潘文恭相國之子潘季玉觀察庚申之亂復蘇州

有功某年十一月六旬雙壽俞曲園先生壽以

聯云

相門碩望郎署清才功德在珂鄉驥子龍

古今聯語彙選二集 慶賀一

孫能濟美 一陽將生六旬初度笙歌圍

綺席木公金母共長春

許信臣撫部善談名理能以周易及大學中庸

說釋典俞曲園先生曾主其家旬日撫部每

夕出談娓娓可聽七十壽辰先生贈以聯云

前詞苑後封疆頻年養望湖山綠野優游

共推老福 內儒書外釋典每夕縱談名

理青鐙滋味還似兒時

又代許信臣撫部贈高辛才觀察八十壽聯

吳下故人來是六十年前總角舊交皓首

龐眉登八十 弧南壽星見正中秋節後

縵亭高會瓊樓玉宇慶千秋

魁時若將軍生於閏六月及官成都將軍七十

古今聯語彙選二集 慶賀一

壽辰又逢閏六月許信臣撫部屬俞曲園先

生爲聯云

周亞夫眞將軍溯從前崧生嶽降正碧梧
益葉之年而今八秩初開清簟疏簾又駐
羲鞭逢閏六 郭汾陽大富貴看諸子武
達文通如琪樹凌霄而起從此一門鼎盛
木公金母好書蜀錦祝千秋

李薇生太守之先人任安徽廉訪太守九月四

日六旬壽辰曲園先生贈以聯云

借黃花九秋祝黃堂千秋菊部好翻新樂
府 承高門駟馬居高官五馬柏臺行紹
舊家聲

杜筱舫觀察初學申韓家言自鹽官歷署藩臬

十二

著有古謠諺江南北大營紀事本末暨萬紅

友詞律校勘記等書始生時其大父夢一老

僧擔簞入室六十壽辰曲園先生贈以聯云

從名法入手由鹽官起家而陳臬而開藩
意思蕭閑共識東坡是五戒轉世 紀近
代戰功輯古來謠諺又工詞又能書精神
淵著請歌南山之六章壽公

高滋園都轉官浙最久至署按察使加二品銜

引疾歸仍居杭州九月二十四日六旬壽辰

曲園先生贈聯云

官兩浙近卅年以二品歸田仍在白蘇舊
治 過重陽剛半月爲六旬介壽恰當黃
菊新花

曲園先生甲辰同年蒞土香廡訪由知縣官河

南光州牧時戰功甚著張朗齋軍門以姻家

子為帳下健兒後官至提督已立功塞外廉

訪七十壽辰曲園先生贈聯云

溯轉戰申息間軍前部曲萬里封侯白髮

坡仙猶坐冷泉判公牘憶同登甲辰榜

都下讌游卅年成世黃花魏國長從老圃

看秋容

沈蘭舫廣文在東湖會從俞曲園先生游後先

生主講西湖話經精舍蘭舫又充監院官光

緒元年五十壽辰先生贈聯云

共學東湖同客西湖坐對臘燈懷舊雨

五年遲我一日先我互斟春酒祝長生

古今聯語彙選二集 慶賀一

邵荻洲觀察以水部起家年至古稀復舉幼子

值壽辰曲園先生壽以聯云

矍鑠古稀翁添箇嬌兒作生日 清閒觀

察使本來水部是詩人

應敏齋方伯與曲園先生同歲生道光甲辰同

舉於鄉六十壽辰太夫人在堂年八十有七

曲園先生贈聯云

長於我一月有餘憶卅六年前同列賢書

榜上並題年廿四 親在堂九旬將屆合

百五十歲三周大衍筵前兼祝母千秋

應敏齋方伯年五十歲後始有子五自蘇藩乞

養歸卜居杭州購沈氏宅極園林之勝有樓

三層可以遠眺六十壽辰曲園先生又代杜

彼昉觀察為聯云

母九旬兒六旬更欣繞膝人多商瞿五十
歲後蘭玉叢生得崢嶸五男子 官二品
階一品尤喜乞身歸早靈隱三天竺外園
林勝地有突兀三層樓

許星臺廉訪自言其夫人於十七歲舉長男後

連舉二女又得一男又連舉二女自此一男

二女相間而生得男六人女十二人復有如

夫人者二人得男女各四人綜計得男十人

女十六人廉訪六十壽辰曲園先生贈以聯

云

奇偶合陰陽算一男二女相間而生得十
有八人每歲必添丁其餘蘭夢分占又弄

四回璋瓦 富貴亦壽考從六旬初度遞
登而上到百又廿載大年再周甲長此華
堂聚順坐看七代雲仍

又聯

聚兒孫內外得七十人登堂同拜生辰從
古汾陽無此盛 合夫婦倡隨成百廿歲
轉瞬再周花甲如今吳會是初筵

汪蓮府駕部為曲園先生之老友由孝廉官郎

署未久引疾歸新安故里齒德冠於一鄉某

歲十一月間六十壽辰曲園先生在西湖寄

此聯以壽之

北闕賦歸田巋然作東魯靈光際一陽始
生逢六旬初度 西湖勞望遠安得跨南

飛瑞鶴來桃花潭上拜柏葉仙人

蔡仰齋州判夫婦五十雙壽其門下士以七夕稱

祝嚴問樵爲撰聯云

屈指三秋天上又逢七夕 齊眉百歲人

間自有雙星

李紫璚先生爲西蜀名士工詩古文歷任江蘇省

縣著有石船室詩文集光緒丙午宰南匯十

月二十一日先生六秩生辰蘇隄爲邑人士撰

聯云

歌詠萬家春與南極一星並壽 才名西

蜀盛先東坡匝月而生

吳玉松太守雲早歲辭官逍遙里社受業女弟子

多至數十人年屆八十其子謫人學士已乞養

古今聯語彙選二集 慶賀一

在家願南雅通政純寄聯壽之云

泉石衍箕裘名心早淨雲封岫 翠鈿圍

杖履笑口常開雪避髭

南陵徐積餘乃昌著有小檀藥室閩秀詞隨菴叢

書懷函館雜組等書家富收藏官觀察正月十

五五十生日王壽農先生集詞句爲聯賀之云

玉珂朱組章記年時元東晉圖書南山杞

菊田象筆帶香題章仗酒祓清愁花銷英

氣章翠管瑤尊謹公吟未了章寫經窗靜

覓句堂深章冰盤共燕喜成美正十分皓月

一半春光特

嚴問樵官山左時寅好中聯語多出其手如石耀

卿大令尊甫官山右司馬七十壽聯云

十五

西人慈母東人太父 北極湛露南極壽星

楊見山峴贈仁和吳仲英太守恆六十壽聯

醉即眠醒即歌是養生第一法 書精品

畫妙品在吾曹有幾人

又俞曲園先生聯

白香山杭州酒痕吳郡詩本儒雅風流又

官二千石 王摩詰宿世詞客前身畫師

往來游戲已及六十年

又錢塘張韻梅景祁聯

花下鳴琴陶令壺觴追九日 雲間潑墨

香光書畫共千秋

婁縣楊古醜大令葆光贈吳仲英太守七十壽聯

公誠魯國靈光撫松鞫猶存時有王弘來
送酒 我亦江南舊部看梓桑遺愛至今
荀令尙留香

某六十壽其生日為八月十六有人祝云

大撓周天俾熾而昌期而艾 中秋昨日

願人長壽月長圓

皖江葉石薌永勤壽易根遠司馬聯

耆英十三人皆耄耋 大椿八千歲為春

秋

鄭待鶴官應贈潘蘭史徵君六十壽聯

柏林經師嶺南名士 金臺詩老淞北隱

君

又溫毅夫肅聯

散盡復來千金何愛 壯游歸去五嶽亦卑

又吳倉碩聯

以游抒壯志 將壽補蹉跎

又梁定庵麟章聯

有大文章享無量壽 願老兄弟度太平年

又沈南雅宗畸聯

問詞仙老去傾尊賭酒側帽填詞身世本
姜張渾不減昔年豪興 是湖海歸來曲
院看花畫樓聽雨游蹤話吳越最難忘影
事情緣

又戴子開啓文聯

古今聯語彙選二集 慶賀一

盛名負嶺表詞人妙選文姬畫閣添香作
吟侶 虛譽愧淞濱社長願推那老瓊筵
醉月慶耆年

又陸季孫芄聯

綺歲却徵車羞與公孫稱博士 藻思濯
文錦早知騎省有傳人

又甘璧生啓元聯

馬新息據鞍挽甲天下咸推矍鑠翁何如
寸鐵不持老向騷壇稱健將 公孫弘削
竹鈔書暮年纔對賢良策爭似徵車早却
閒從洛社會耆英

又鄭雲樞林竹朋聯

高不遺世和不失身耽詩嗜酒真名士

進不市朝退不邱壑 頌德頤年古逸民

又徐峙崧獻聯

耆英會中但看羽扇知名士 春申江上

不着羊裘貌古人

又徐積餘乃昌集易林聯

福喜上堂與懽飲酒 慶賀盈戶使君延

年

又陳輔臣聯

詩儕大歷十才子 道重睢陽一老人

又楊志沂傲會聯

籬邊陶靖節 社裏白香山

又陳丙謙聯

歲歷大撓一甲子 詩同故里十先生

又吳昌碩集石鼓文聯

公是樂天康廩用永 賢惟高允大鹿來

求

又金粟香武祥聯

詩派聽松廬南山并壽 豪情翦淞閣北

海開尊

又莊紱秋繪儀聯

吞若八九雲夢耶袖石歸來似海春愁增

妙句 畫得初三月影否翦淞小隱如花

美眷駐修齡

又朱古微祖謀聯

長壽杯深醉裏笑扶花下立 探春腔穩

笛中誰奏鶴南飛

又呂幼齡景端聯

長我一年同社壺觴慶周甲 驚人七字

滿城風雨展重陽

又章一山稜聯

游蹤卓越周瀛海 詩骨崢嶸飽歲寒

又陳少白聯

笠屐仰蘇公名士詩篇連玉軸 風流推

白老阿嬌金盡晉霞觴

又王葦農集詞聯

風光未老吟潘擬招隱羊裘尋盟鷗社

客裏依然清事有華燈礙月飛蓋妨花

又勞敬修聯

司馬文章有奇氣 伊川筋力勝中年

古今聯語彙選二集 慶賀一

又馮少山聯

後潘河陽千餘年竟身隱老 如白太傅

六十歲爲耳順吟

又陳栩聯

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

傲骨比黃花正秋來景物都佳潘大臨云秋來景物

游興方濃還鄉奚事扶鳩杖 隱居可樂

又丁鶴庵仁聯

赴隴甯知有鶴書

又朱硯陶鏡聯

壇坫盛東南耆英會為書畫會 詩篇懸

日月少微星是老人星

又楊則盦徵會聯

黃花比節青州壽 紅豆摘詞白社年

又陳可良聯

家海南客江南結社集淞濱詞坫詩壇稱
健將 公六十我五十論年應兄事金罍
黃菊壽耆英

又許狷叟滄祥聯

詩名齊玉局是洛陽會耆英先東坡翁誕
生十日 世德述金門為越王臺喬木與
壺 東山絲竹北海尊

又張豫泉其淦聯

南海師同居一方 南海師謂座主
潘輝琴學士也

羅浮舊侶抱有仙骨 珠海高士定為傳
人

又吳衡之秉鈞聯

南海詞人南山有慶 西崑麗句西子同
慶

遺老風姿猶綠鬢 先生佳節愛黃花

又鍾紫垣文耀聯

結社集耆英進酒喜逢黃菊節 趨庭多

令子刪詩寧軼白華篇

又陳翌輝聯

菊酒可延齡奚羨雕盤餘宿肉 蒲輪曾

却聘獨留錦篋貯新詩

又陳岳樵陳雪皆聯

作客好酬游嶽願 著書纔及杖鄉年

又梁誠謙聯

備箕疇九五福 記羅浮四百峯

又陳騰芳聯

羽扇綸巾共推名士 交梨火棗合壽詩

人

又易廷喜易次乾聯

居士長者英楊柳櫻桃有鬢素 平頭書

甲子文章詞賦似孫洪

又女弟子甘恕先聯

比年愛讀漆園書喜聞天上大椿植根曾

閱八千歲 此地儘容徵士隱好趁籬東

黃菊漉酒連傾三百杯

又門人湯安聯

諸葛亮未出隆中豈懼三分鼎足 司馬

光暫居洛下纔及六十平頭

又門人莫敬沂聯

文章西海壺觴北海 絲竹東山歌頌南

山

洞庭席暇卿先生名素煊字縉雲生平淡於榮利
有隱德蔚為鄉望其子孫亦能自樹立有聞於
時年八十五而卒先生七十生日仁和高邕集

易林為聯云

使君延年克身潔己 嘉耦相得長生樂
鄉

又先生八十生日壽聯

瓊壺早春六龍東駕 玉局上壽一鶴南

飛

又所親某君聯

宜爾子孫芝蘭玉樹生庭階英姿秀出

使君壽考為與女蘿施松柏福蔭綿長

某君壽徐東海聯

是遺老不是逸民居東海濱渴想斯人來
日下 為隱士亦為政客祝南山壽會看
殘菊傲霜枝

朱見庵壽章萃野大令聯

遂陶令歸去來心五十畝種秫五十畝種
秫 得莊生逍遙游訣八千歲為春八千
歲為秋

上海會審公署關網之司馬歷官有聲曩年四明

公所爭執問題賴司馬力持大體為中外所稱

頌今年四十生日予代某君集成句為一賀聯

云

躋彼公堂稱彼兕觥介爾景福 剛亦不
吐柔亦不茹保我黎民

會稽屠後園壽某六月廿三日七十生日聯云

莫道古來稀年齒已堪告杜老 若論一

日長風流直欲喚蓮兒

又壽歐陽某十月七十生日聯云

三千歲月春猶小 六一風神古所稀

康南海六十生日佳聯不少客有徵聯於予者予

謂他人形容盛美不如夫子自道為佳南海自

壽詩有項聯可用也客大稱善聯云

天乎百億萬千劫 丘也東西南北人

除姚毛氏為雙河望族虹村茂才於戊午九月為

六十壽辰其子契農於三月歸自湘中預為稱

觴徐仲可先生幼嘗客姚與毛諗有聯壽之云

遠徵菊壽預奉桃觴令子著萊衣歸從七

古今聯語彙選二集 慶賀二

澤 敬獻鴻疇欣看鳳濟蒼游仰華閱籍

甚雙河

某君性嗜酒五十生日或壽以聯云

太白當醉三萬六千日 伯玉已知四十

九年非

某與友合作五十生日撰聯云

與我同庚忝居三日長 得君知己共作

百年人

某五十自壽聯

已過一萬八千日 應知四十九年非

嚴雨徵孝廉自壽聯

樂在其中尚不愧於屋漏 老之將至猶

未免為鄉人

二十三

古今聯語彙選二集 慶賀一

慈溪盛蓮水通守在祿五十生日自撰聯云

再過二日便成歲 若到百年已半時

蓋通守生於十二月二十七日也

莊百俞君四十自壽聯

今已無聞再十年也是無聞醉酒看花且
永日 未能不惑只一言差堪不惑讀書
養氣可延年

薛慰農壽可會禪師聯

參上乘禪得無量壽 分九華脈爲六朝
僧

陳奎五茂才賀人遷居聯云

有那其居兄弟式相好矣 克昌厥後子
孫勿替引之

慶賀二

李文忠太夫人姓李氏緣文忠先世本許姓出嗣

乾嘉間屢議回宗復姓未果族人向不與許姓

議婚而於李姓不同宗者世多姻戚事見太夫

人八句徵詩節略時文忠兄弟同任封圻一門

將相生辰在二月朔壽聯多可紀者如浙江鹽

運使馮禮藩聯云

八座起居貴壽無極 一堂伊呂伯仲之

問

又許乃釗聯

出建節入調羹看膝前將相成行武達文

通佐一代中興大業 月初三春未半祝

堂上佛仙同壽鸞歌鳳舞開八旬曼衍遐

古今聯語彙選二集 慶賀二

齡

又補用道吳寶善聯

侑觴分王母蟠桃是二聖宮中渥頒湛露

舞綵綯尙書紅杏恰百花頭上高捧慈

雲

又許士榮聯

從大君子遊於伯仲間見伊呂 祝太夫

人壽以八千歲爲春秋

又湖北補用知府朱宗濤聯

兩宮天語問眠餐生甫及申分陝同膺八

州督 一代母儀推領袖自家而國望瀛

普慶百花朝

又記名提督黃文誥聯

五朝歲月八座起居大吉祥大富貴 三

賢金策聖作中興名臣

代甲科一門將相宜公侯宜子孫

又俞曲園先生聯

應敏齋廉訪之母朱太夫人年七十有八二月十七日其生日也敏齋尙未得子犬夫人望之甚切俞曲園先生贈以聯云

起居八坐亦多壽亦多男先百花生日祝

慈蔭長春鳳舞鸞歌徧浙水東西洞庭南

北 文昌六星有上相有上將以萬石家

風佐熙朝景運玉昆金友比荷龍減二賈

虎增三

又聯

友山方伯官刑曹二十年出守秦中遷四川廉

訪使由廣東安徽藩司移姑蘇適值太夫人

八十壽辰曲園先生壽以聯云

慈雲從京國而來為秦蜀皖粵諸大邦萬

家生佛 愛日至蘇臺更永與中丞廉訪

節度為觀察轉運五百年特鍾間氣玉策

兩賢母三壽作朋

花下版輿來自皖而兩浙而三吳而瀟湘

洞庭數千里瞻拜慈雲鳳鳥舞鸞鳥歌頌

無量壽佛 牀頭朝笏滿有子為宰相為

節度為觀察轉運五百年特鍾間氣玉策

時丁雨生中丞應敏齋廉訪均有壽母

朱竹石司馬之母趙太淑人生子三某年正月

六十壽辰前期三日爲其幼子娶婦曲園先

生贈以聯云

三珠樹環侍一金萱添箇比肩人來助綵

衣舞 周甲年剛逢建寅月留將婪尾酒

敬祝錦堂春

嘉平八日王夢薇君之母七十壽辰曲園先生

贈聯云

願歲歲今朝以臘八良辰陳秋千雅戲

祝婆婆老福從古稀七十到上壽百年

會稽屠筱園先生五十歲時爲太孺人慶七十其

母子生辰在二八兩月望陶補雲封翁辰壽以

古今聯語彙選二集 慶賀二

聯云

美景良辰春半好花秋半月 洞天福地

七旬壽母五旬兒

會稽山爲第十洞天若耶溪爲第十四福地見唐

杜光庭記

福州五子登科者前有曾齋峯封翁後有郭階三

封翁若六子科甲則惟葉敷恭太史之母邱太

夫人一人太夫人生於正月十三日其六十時

有獻聯者云

六子官袍慈母線 萬家燈火錦堂春

陳蘭甫學錄壽陳繩齋司馬王太宜人聯

瑞啓潁川五百里賢人聚 壽如王母三

千年桃花開

張喬翁集句壽陳堅母聯

春風絳帳譚詩禮 繞膝扶牀戲子孫

朱雨田夫人七秩適其子菊尊觀察由鎮揚道調

署江南鹽巡復簡山海關道周玉山制軍壽以

聯云

慈壽古稀六珈象服宜偕老 郎君官貴

三錫鸞綸命度遼

侯理庭太守之母夫人九月初十日九十壽辰嚴

問樵聯云

開上壽初筵九十日 後重陽一日八

千為秋

無錫蔡彙三祖母丁太夫人青年挺節一孤子甫

九月逮垂暮又先母而逝生平遭遇甚厄卒能

艱貞蒙難手造門閭年八十裘葆良廷梁壽以

聯云

兩番畫荻昌歐門六一堂玉為樹 羣仙

奉觴祝金母三千年桃始花

無錫蔡母楊太君有令子三長彙三次松如次禹

門咸有聞於時曩年七十生日權君經堂有聯

云

令子為商界聞人酌盈劑虛奮鬪動關天

下計 太君乃鱣堂望族敦詩說禮清修

宜作地行仙

吳中有令長之母三月三日六十壽辰嚴問樵聯

云

眾母奉壽母江南大母 三春祝千春上

已長春

杭縣徐絳霞女士杏文能畫知醫善琴為花農侍

郎之次女慕陶侍郎之繼配丙辰正月二十三

日為其四旬壽辰時慕陶已早逝矣絳霞率其

子汝嘉以避地僑滬花農在京寄聯賀之聯云

百五日花信初迎元月首開家慶宴 一一

千尺松枝耐冷三春仍抱歲寒心

高翰卿先生之母太夫人為崑山陸氏有崎行高

節奉基督教深得博愛之旨生平未嘗有一日

之暇逸戊午初夏八十生日予代友人集成句

為賀聯云

稱彼兇觥降爾遐福 是有真宰飲之太

和

古今聯語彙選二集 慶賀二

又代譚君蓮聖擬一聯蓮聖固善劇學者聯云

被之管絃形容盛德 倬彼雲漢剡張令

儀

張廷貴先生之母夫人儗太君七十壽辰林琴甫

先生有聯云

黃花擬節淩秋晚 諫果回甘索味長

戊午三月三日名伶梅蘭芳之祖母七旬生日有

某君聯云

壽觴恰趁重二節 樂府重翻二度梅

某年十月間潘相國文恭公之孫潘築巖茂才與

吳崧甫侍郎之女為婚俞曲園先生聯云

門第舊金張喜宰相文孫剛配狀元嬌女

倡隨小梁孟締百年嘉耦恰當十月陽

五

春

咸豐己未吳柳堂先生題其女出閣喜聯

婿如羲之獻之可耳 女為周南召南矣

乎

女適王青岷先生長子名麟祥

吳肇甫集韓文賀樂甫嫁女聯

裕其為仁肅其為禮 媒者曰宜卜者曰

祥

又賀李光炯嫁妹聯

乾端坤倪人能宏道 日吉月利姪其從

姑

又賀王繹如入贅聯

在昔吹簫傳弄玉 祇今坦腹得王郎

又賀李相孫倬侯昏禮聯

將相傳家真有種 陽和得氣便成春

又賀吳詠湘昏禮集任彥昇傅季友聯

譽望所歸允集茲日 本支之祚實隆鄙

宗

又賀李簡廷婚禮聯

當使尊章相見交賀 自今夫婿得助益

彰

梁令嫻女士於二月十二日與周氏締婚或贈聯

云

絕代藝蘅詞三島客星歸故國 傳家愛

蓮賦百花生日賀新郎

徐仲可先生贈朱劍芝長子燕孫喜聯

紫芝朱草歡樂有得 更且初歲與福爲
婚

原跋婦弟朱劍芝爲文郎酉二賢內阮納孔保如
女士爲室於民國六年一月三日結婚既書朱源
於孔四字於幃以申賀復集易林句爲祝

又揚善卿聯

有室且崇徽國禮 贈奩宜帶魯儒經

湘鄉曾兆巖字汝嘉爲忠襄公國荃之曾孫慕陶

侍郎廣漢之子於民國五年十月九日在上海

徐園與黃得璿女士行結婚禮黃寧鄉人芍巖

宮保少春之女孫兩人均年十七徐花農侍郎

琪汝嘉之外王父也有聯賀之聯云

後重陽四日聯福曜雙星將相兩家誇並

古今聯語彙選二集 慶賀二

美 舞萊綵齊眉侍萱幃繞膝曾元五世
慶同堂

趙少芬先生賀吳秉樞僚婿聯

昏姻孔云侯亞侯旅 德音是茂俾臧俾
嘉

錢塘丁性之爲道甫太守立本長子家有樓曰八

千卷藏書樓娶王氏姑亦王氏程光甫賀聯云

傳視縣長能讀八千卷 作羹餘暇待寫

十三行

錢塘丁修甫先生之次子友仁娶盛鳳翔女士吉

期值元宵節王同伯賀聯云

熊羆吉兆添丁喜 鐘鼓元宵極盛時

鍾仲山觀察峻爲子娶王裕菴觀察之女有賀聯

七

云

秦晉締良緣正兩姓椿萱同膺鳳誥 鍾

王傳字法教一雙兒女共寫鸞書

趙叔孺先生娶閩中林歐齋方伯之女某君賀聯

云

得與梅花為眷屬 本來松雪是神仙

某賀熊姓娶宋氏女聯

娶妻必宋 占夢維熊

吾鄉某生肄業東吳學校締婚之日金鶴望集定

公詩為聯云

天下名士有部落 美人清妙遺九州

馮大總統與周道如女士結婚喜聯

掃眉才子名滿天下 上頭夫婿功垂江

南

又金鶴望集定公詩為聯云

幽夏靈氣怒百倍 美人清妙遺九州

西清詩話劉原父再婚歐陽公以詩戲之有洞裏

桃花君莫笑劉郎今是老劉郎之句王直方詩

話白藕作花風已秋一絕趙德麟細君王氏作

德麟餼居因見此篇遂與為昏人謂二十八字

媒會稽朱穎青之甥劉耿久續妻王氏穎青戲

拈前二事為聯云

雅謔古賢傳仙客重來桃欲笑 良緣芳

姓合詩媒初達藕方華

潘瑤圃大令恭寅署連江時續娶張莘田大令用

禧之女有聯云

花縣新膺擲果好隨仙令鳥 春山如笑
畫眉先問丈人峯

宋春海賀廖湘甫續娶是年適捷南宮聯云

陸宣公新入學士院 歐陽子再娶薛夫

人

金仲和集倉山船山句賀友續娶聯

華堂奠雁燈如昨 繡幙窺鸞鏡再圓

某君未娶時賭隣家賣娼女悅之欲納為媵格於

親命遂不果後某君娶妻數年既貴官京師苦

不育復謀納媵妻允之未幾外家道人送一媵

來即賣娼女也相隔垂十年巧合如是日前予

在酒次聞王君言如此惜不詳其姓氏里居予

戲擬賀以聯云

無可奈何似曾相識 有情眷屬如意郎

某鉅公有桃葉之迎予為集漢雜事秘辛得一聯

云

千乘萬騎如瑩燕處 八雀九華備禮以

迎

某督軍有桃葉之迎或集好太王碑字為聯云

麗人回首開云母 上將橫腰看莫邪

哀挽一

定親王河上翁之薨怡親王訥齋主人命門客撰

輓聯俱不愜意江南一才士爲舉明秀水朱帝

國茂昭集句爲聯王大稱賞聯云

閣中帝子今何在 河上仙翁去不回

紀文達挽劉文成聯

跨鶴歸來依舊綠楊城郭 騎鯨先去猶

傳白傅風流

岳小瀛宗伯起以江蘇撫部引疾旋晉少宗伯嘉

慶己已薨于位宗伯居官公正清廉有伯道之

感爲容廟所知特命公之夫人擇族人之子爲

嗣先是宗伯因族人寥寥無當意者具遺摺以

聞至是夫人亦不願容廟亦不之強乃命大宛

剛峯原不隨流俗 孝肅何須有後人

兩縣於春秋致祭以爲例紀文達以聯輓之云

南昌萬梅皋廷蘭乾隆壬申聯捷成進士由庶常

改知縣累擢通州牧以東路廳事牽涉罷官抵

罪者衆案獄者日事刑求衆益惶怖萬獨惻然

以一身任之獄成擬大辟餘官皆得免丁酉春

高宗南巡過通州見崇墉屹然問此城工何人

承辦大吏以前任州牧萬廷蘭對遂改緩決壬

寅年奉特旨出獄計繫保陽獄者十六年矣時

同案各官皆已旋里各出厚資來助歸計者不

約而同萬悉笑却之歸里後以詩詞自遣優游

林下者幾三十年至嘉慶丁卯壽終年八十有

九梁山舟集元遺山句挽之云

千丈氣豪天也妬 一生詩在事堪傳

畢秋帆先生總制兩湖時值剿捕流寇未歲功而

薨趙甌北挽以聯云

羊祜惠猶留峴首 馬援功未竟壺頭

此聯甌北亦自得意後衍成挽詩編入全集內矣

梁山舟學士挽袁子才先生聯

瀛海度金鍼三十三科前進士 倉山埋

玉骨一千餘樹古梅花

費芸舫學使延釐卒或挽以聯云

中年宮允解官自馮先生來高風如昨回

首甫經十載隱 吾邑人才有數從沈文

定後凋謝至今傷心豈爲一家悲

按馮先生謂桂芬沈文定謂沈桂芬皆吳江人

又俞曲園先生聯

一病竟沈疴警歎非遙十日之前猶過我

兩河同使節林泉正好六旬未滿遽遊

仙

又吳望雲學政仁傑聯

林下豈寬閒身世事家國事一腔義膽忠

肝先生之憂後死之責 人間如泡影文

字交性情交轉瞬白雲黃鶴同遊無望獨

處無聊

梁山舟學士挽吳望雲學政聯

三爲祭酒荷卿老 一臥滄江杜甫愁

又周鴻業聯

當時末座追歡把影事重尋在黃公壇頭

山陽笛裏 老作詞壇祭酒問遺型安仰
有汝南月日典午風流

徐太守聯璧歷守湘南以廉惠稱年至九十而沒

阮文達挽以聯云

八郡棠陰宦情昔比湘江水 九齡夢覺
精氣猶留南極星

趙味辛挽輝子居大令聯

孤無六尺親已八旬仕宦榮枯原是夢
長愧十年業輸千古文章得失更誰論

某挽趙味辛聯

誰復如公言行始終無愧 生必有死詩
文天地長留

梁山舟學士挽蘭素亭河督云

帝昇以河三策勤勞著淮北 臣心似水
四知風節媲關西

又挽錢竹汀宮詹云

名在千秋服鄭說經劉杜史 神歸一夢
仙人骨相宰官身

洪北江先生自塞外還道出河南偃師聞友人武

大令億卒往哭之其子明經穆淳出謝并乞題

數語於總帳以慰先人先生作為一聯云

降年有永有不永 廉吏可為不可為

蓋大令諸兄皆老壽惟大令年未周甲也

蔣小松挽洪北江先生聯

羅胸探月窟星垣庾信文章韓琦科第吾
宗快婿賢甥得先生為兩絕 裹足歷冰

天雪簪紫塞彎弓上方請劍當代忠臣奇
士貽悼史以千秋

又陸劭聞聯

萬里竟生還憶昔年諫草宸題豈徒誇良
史南狐高文東馬 十旬成死別悵此日
班荆鄉夢更爲溯聯吟白社沈醉黃墟

趙牧菴先生在乾嘉間以學行名天下其挽管慈

山侍御聯云

辛苦到衰頹盡瘁一官餘事文章皆自定
倉皇成訣絕交逾廿載異時肝膈向誰
論

又挽楊蓉裳都郎聯

文姬六朝開篋尙留元宴序 魂招三峽

奔喪痛阻巨卿車

又挽楊鼎圃聯

五字擬長城空有遺編凌鮑謝 一麾遲
作郡不教宣績比龔黃

又挽莊亭叔聯

科第卅年尊文舉酒常因客置 風流一
時盡康成經幸有孫傳

齊梅麓與蔣伯生同建白蘇祠屬梅麓爲聯云中

有仙龕虛一室更邀明月作三人書甫寄而伯

生已逝矣梅麓挽以聯云

丹青徧鄧尉羅浮繞墓值梅花來去原從
衆香國 俎豆傍白公坡老作祠倚修竹
海天還有一仙龕

四川李墨莊太史鼎元客死揚州貧無以斂吳山

尊挽以聯云

百金囊盡揚州死 萬里魂歸蜀道難

馮展雲中丞挽楊黼香太守聯

故里魂歸江上雪花揚子宅 新詩淚併

峽中人日蜀州篇

又陳蘭甫聯

生爲循吏歿必有可傳亟宜紀載 少與

齊名老不復相見是用痛傷

吳柳堂先生挽童耕叔門生聯

百里正強年不信君歸竟先我 兩行垂

老淚非夫人慟而爲誰

又挽謝麟伯太史維藩聯

古今聯語彙選二集 哀挽一

是國家可惜人歎四十韶華君不長年我

偏壽 爲親友輒作惡下兩行老淚別猶

足恨歿何堪

范鳴猷部郎挽吳柳堂先生聯

吮血寫孤忠莫大文章哀感行路 攀髯

畢臣志苟利社稷死重泰山

又王可莊殿撰聯

此古之社稷臣七尺能捐執簡終安天下

計 許我爲忘年友一緘尙溼蓋棺猶望

眼中人

福州楊子恂太史寄挽倭仁相國聯

帝王之師社稷之臣朝野同聲三百年來

眞宰相 日星在天河嶽在地宮牆一慟

五

五千里外老門生

滿洲遠臯先生文寧以翰林歷掌文衡官步軍統

領卒於駐藏大臣之任張溫和公祥河挽以聯

云

內相經文兼緯武 西方成佛卽生天

又挽下南同知王司馬漢聯

七日招魂屈子衣冠輕似蛻 九重賜卹

王曾名節重於山

蓋司馬因走掃灑七日求屍不得以衣冠斂也

浙中錢東生學士林文筆敏贍無時俗態度世人

妄傳其能到陰司判事東生絕口不談也未及

中壽而歿威容臺太史人鏡挽以聯云

福慧並清華能靜自兼仙佛意 死生都

了徹不談終是聖賢心

游彤甫侍御光繹挽陳質齋侍郎聯

對宇望衡回首燕臺真似夢 素帷丹旆

傷心吳苑不成春

游與陳在京邸久爲鄰陳奔喪歸沒於蘇州

陶雲汀宮保丁父憂其座主陸平泉尙書以莊挽

以聯云

能仕教之忠有子詩書將食報 欲養親

不待類余風樹早銜悲

姚亮甫中丞挽張蘭楮侍郎聯

奏賦共螭坳譜誼同敦感西湖四十七年

爪印 寫經皈鹿苑禪心早定付南屏一

百八下鐘聲

出句謂乾隆甲辰同召試於西湖事次句謂侍郎

素耽禪悅易寶時尚有南屏僧數十人環繞榻前

代宣佛號也

有某公挽陳雪田聯云

志在名山不作公卿緣好學 文能壽世

非求仙佛自長生

與季思挽陳芝楣聯云

廿載報君恩真不負日下探花江南秉節

卅年敦友誼最難忘吳中分袂漢上題

襟

陳爲季思典試湖北所得士又季思視學江南時

陳維藩吳下曾連日侍從游山云

王文簡公引之丁其父懷祖先生憂去位服闋還

古今聯語彙選二集 哀挽一

朝署工部尚書未幾卽薨英煦齋挽以聯云

下筆已千秋稽古共知尊漢學 還朝能

幾日考工惜未補周官

屠琴隴倬以儀徵令引疾家居忽奉特旨授九江

府未赴卽客死揚州齊梅麓挽以聯云

一病負殊恩九派清江懷太守 十年成

大覺二分明月弔詩人

鄭仁圃挽何玉田孝廉聯

君乃長於情者爲戚友關心終歲勞人草

草 文固無如命何以孝廉沒世當今天

道茫茫

又聯

閱歷名場終竟才人無福命 消磨心力

祇緣文債與親情

又聯

人情欲贈方千第 天意原慳李賀年

又挽許畫山邑侯作屏聯

披叔重舊文馴雉歸來經笥富 濟旌陽

遺愛化鳧仙去口碑傳

何仙槎尙書澆漢終於位賜諡文安有清諡文安

前此僅有兩人一爲孟津王尙書鐸一爲掖縣

張閣老端蓋百十年來易名之典所僅見也汪

少海仲洋挽以聯云

踐道一身兼貫乎言功者德 易名當代

少止於義理曰安

又錢心壺給諫儀吉聯

淵雲大文趙張爲政奉建家風時望兼漢
廷數子 省臺故事都邑謳思門牆述訓

令名傳荆國家風

花縣駱文忠秉章爲中興功臣之信知人善任會

文正初出爲團練大臣各督撫咸有蔑視意惟

公甚重之左文襄勳業未著之先公深識其人

委以練兵籌餉諸事公撫楚尙寬迨督蜀雷厲

風行嚴懲哥匪歷平諸盜嘉之日蜀民哭聲如

沸滿城縞素重遜庵太史械挽聯云

自成廟鑒公清操天下想望丰裁祇今將

相兼資由先帝知人留得老成勛社稷

論益州討賊奇勳此地復安耕鑿太息功

名未竟正中原多故願教靈氣壯河山

文忠初以御史被命稽查部庫庫吏向有賂遺公
峻却之後受賂者多獲咎並責償成廟知公清操
特旨寬免由是大用不數年至封圻

又何子貞聯

臺館飮清譚一生學行惟虛已 疆圻資

碩望蓋世勛名不愛錢

道光間吳中耆舊以潘榕皋先生為冠冕曾重宴

鹿鳴重宴瓊林受其姪芝軒尙書一品封誥登

九秩始卒龔季思挽以聯云

九十年魯殿歸然記曾同世父春闈先公

秋賦 甲乙榜鼎科籍甚已重沐桂林燕

寶杏苑恩榮

又齊梅麓聯

古今聯語彙選二集 哀挽一

為學為修為恂慄為威儀有斐為文九十
年華盡衛武一生之事 日壽日富日康
甯日攸好考終日命三千世界集箕疇五
福而歸

林文忠挽蔣礪堂節相攸銛聯

合兩朝宰輔封圻第一流人終不忝 培

四海賢才俊又在三師事有同悲

時稱嘉道兩朝諸巨公好汲引人才宏獎善類者

惟公為最云

又挽盧敏齋督部坤聯

十年三建戎功帝賴重臣回紇蠻獠皆懾

魄 九省七膺節鎮人懷遺愛山河嶺海

總銘恩

九

又挽陶文毅督部澍聯

大度領江淮寵辱胥忘美謚終憑公論定
前型重山斗步趨靡及遺章慚負替人

期

自注云公遺疏有林則徐才識十倍於臣之語讀
之汗下

又挽韓桂齡尙書銜聯

西曹法律南紀封圻游三朝中外勳猷范
富歐陽同著望 閩嶠檐帷吳趨杖履憶
卅載因緣香火李張皇甫愧知名

自注公嘗提刑閩中某為諸生時即以國士相待

又某官吳門值公里居尤欣親炙云

又挽顧南雅通政聯

風節樹朝端鳴鳳聲高為感恩慈同再造
文章驚海內登龍望峻更餘書畫重千
秋

又挽郭蘭石廷尉尙先聯

三十年人海才名帝簡方隆天已召 六

千里家山歸夢親心難慰子誰依

又挽吳和庭邑侯觀樂聯

遺愛遙傳三竺外 吟魂應在二梅間

和庭令浙中有善政歸里時卜居謝古梅學士之

二梅亭

又挽江石生邑侯之紀聯

去思何武留遺愛 死孝王戎本至情

石生居母喪以毀卒

潘幼谷挽曾文正叔父聯

嗣君節義著三河知愁緒頻澆孔北海酒
尊常滿 猶子勳名崇一代痛捷音驟至
謝東山棋局未終

曾文正挽王壯武靈聯

陡驚失萬里長城那堪死後得書尙題七
月初七夜 已拔作一朝名將未解生前
何意僅容三十有三年

又挽羅忠節澤南聯

率生徒數十人轉戰而來克廿餘城殺億
萬賊爲名將爲忠臣獨有千秋羅山不死
報國家二百年養士之澤提三尺劍著
等身書是純儒是碩輔又弱一個湘水無

情

又胡文忠聯

公來使我生公去使我駭公逝使我悲七
尺軀係天下安危存宜尸祝歿宜尸祝
賊至還他戰賊退還他守賊熾還他死一
腔血酬半生知遇成亦英雄敗亦英雄

曾文正之榮哀錄似係摘抄選錄之本近得木刻
坊本較榮哀錄爲多儘有佳聯續錄如下李元
度云

是衡嶽洞庭間氣所鍾爲將爲相爲侯自
吾鄉蔣安陽後歷三唐兩宋迄元明二千
年僅見 與希文君實易名同典立功立
言立德計昭代湯睢州外較諸城大興暨

曹杜一個臣獨隆

又李光久聯

故安陽門巷猶存千載而還又復封侯出

鄉井 先忠武英靈不昧九原相見可勝

流涕話山河

又劉琨聯

天下事公所為後樂先憂允矣易名符素

望 眼中人吾亦老撫今思昔凄然流涕

為蒼生

又劉秉璋聯

天上大星沈氣壯山河身騎箕尾 人間

紛雨泣功在社稷澤被生民

又范志熙聯

當代一人是潞國丰儀汾陽福澤 大名

千古有伊周事業韓柳文章

又楊洪彪聯

門羅將相文中子 身繫安危郭令公

又劉嶽昭聯

浩氣亙湘江縱四海承平未竟樂憂天下

志 英光返衡嶽溯三朝事業常盟清白

老臣心

又熊其光聯

先帝知人早屬東南大事 儒臣奮武固

應俎豆千秋

又沈保靖聯

成德達材多將相器 克己勵行以勳名

終

又柳正勞聯

志安社稷忠炳日星可以託孤可以寄命
位極人臣功蓋天下其生也榮其死也

哀

又李振武等聯

若漢之武鄉若唐之汾陽若宋之潞國事
業勳名兼漢唐宋諸老 在天爲日星在
地爲河嶽在人爲賢哲文章道德通天地
人曰儒

又鄧維霖聯

運逢百六捍圉謀疏大功乃出自儒生聞
者莫不興起也 身繫安危蓋棺論定流

古今聯語彙選二集 哀挽一

言未足爲清議其何傷於日月乎

又林達泉聯

其功業並乎李郭之傑其文章總乎韓歐
之長名世鍾靈一代棟梁崇嶽麓 用天
下財家不豐於費進天下才子未顯於秩
至仁忘己千秋俎豆祀姚江

又周棠聯

經濟竭生平知人則哲 功名蓋天下行
己也恭

又胡昌銘聯

功在國德在民名在天下 出爲將入爲
相沒爲神明

又管樂聯

勳名爲曠古迄今所希衡嶽効靈鍾聖相

又張法聯

感激在故吏門生而外江天灑泣有孤

寒

衡山之靈爲中興生賢宰輔 江表無事

於天下有大勳勞

又王拯聯

將相出儒生國家得養士百年之報 功

又馮卓懷聯

身兼將相手挽乾坤曠代勳名隆天恩卹

名高史策吾黨有斯文千載之憂

又張兆鹿聯

氣壯山河心依日月中興碩輔全楚完

天祖有神靈生公特挽中興局 乾坤試

又左史良聯

環顧濟世難爲繼起人

新數中興年君臣已與時際會 誰爲後

又廖壽恆聯

來者小儒惟有涕縱橫

又楊書霖聯

孔明有王佐之才旋轉乾坤得力一生惟

下第過吳中虛館留賓平生及見范文正

謹慎 范公以天下爲任先憂後樂錫終

喪母歸湘上倚廬聞赴江東遙哭管夷

兩字備榮哀

吾

又俞錫爵聯

極功名道德之恢崇壯我鄉邦河山重望
俱千古 辱文章學業相期許夢公左右
風雨當年又一村

又彭嘉玉聯

一家非之而不顧一國非之而不顧舉世
非之而不顧竟挽回全盛江山必如此方
見聖賢真實學問 用人之知去其詐用
人之勇去其怒用人之仁去其貪更振起
久衰風氣便後來猶仰相臣闕達規模

又嚴堃聯

自味爽至於終宵日思所以匡一人威四

古今聯語彙選二集 哀挽一

海先憂後樂冠我朝二百年理學名臣夫
何天奪之速 由侍從而作將相其中未
聞侈服飾殖田疇爲國忘家縈生平六十
載孤忠亮節久矣吾無間然

又謝維藩聯

吾楚多武功新寧偉節羅山遂學益陽雄
略湘陰衡陽皆卓犖勳名相度恢然衆賢
匯 國朝六文正睢州巨儒諸城名相大
興賢傳欽縣濱州並承平宰輔公時獨較
昔人難

又弟國荃聯

許身竊比稷與契佐舜禹削平逆命十數
年間西討東征竟集厥勳心亦瘁矣 式

十五

好無尤兄及弟矧魯衛謬列同封三千里
外南船北馬忽聞哀耗傷何如之

長江提督黃翼升輓會忠襄聯

一十載中原烽火掃淨煙塵曾記鐵鎖橫

波樓船截岸見雍容儒將揮陣掀髯約誓

預焚香便隨一鼓登陣直向石頭擒李煜

六七年異地湖山藉談風月每憶角巾

別墅小隊元戎感豐饒勛臣銜哀話舊彌

留猶握手應為羣黎請命俄驚江左失夷

吾

又丁中和聯

鞠躬盡瘁死而後已 感恩知己生不能

忘

又瞿鴻禨聯

中興將帥感凋零那堪秋盡江南萬戶淒

涼哭元老 半壁河山誰筭鑰應有神來

天上一門忠義話時艱

會惠敏紀澤挽陳松生聯

頻年天折何多皆我弟昆姻婭鄉鄰懷才

未施之士 同輩賢豪可數似君學問文

章幹略無美不備者誰

李文忠挽會惠敏聯

執別一句何意遂成千載隔 抗棧四裔

此才方識九州難

又聯

師門相業常在九州惟公西使歸槎獨恢

張海外功名從此通侯尊博望 京國朋

交又弱一個自我南行持節正縈遠日邊

魂夢忍聽哀些賦長沙

又黃湫蘭大銀臺聯

有此佳使臣萬國方知天節貴 眞堪續

名父一官惜以地鄉終

又許仙屏河帥聯

門館託師恩拜北平於馬前何堪哭其父

子兄弟 海隅張國體召長沙而鵬入能

無惜此博達忠勤

又陳六舟京兆聯

我稽故實奉二朝元老爲閣師民到於今

興誦長懷先太保 君抱奇才以四姓小

侯使絕域憂猶未弭羌情又失後將軍

又楊誠之觀察聯

爲張博望易爲富鄭公難力折強鄰拓地

遠逾分水嶺 通方言以文治舟師以武

時方多事問天何奪濟川材

又黃子壽聯

海外有功朝端有望 名父之子命世之

英

又陳喆南都轉聯

文正在天隱憂時局留圍棋數子待公補

之記從海外歸槎都望中朝相司馬 不

才入洛苦少知音彈纓琴一聲更誰聽也

回憶堂前尊酒曾呼下士當元龍

又俞曲園先生聯

論世務有心得論經術有家傳參中外以
獨成其學 爲聖代惜重臣爲師門惜賢

子合公私而一慟斯人

又張樵野京卿聯

張膺已拓威稜卽今仰屋籌邊擘畫總關
天下計 辟穀竟成惡識此後質疑問難
嘔心誰是過來人

左文襄挽胡文忠聯

論才則弟勝兄論德則兄勝弟此語吾敢
承哉召我不赴哭公公不聞生死睽違
一知己 世治正神爲人世亂正人爲神
斯言君自道耳功昭昭在民心耿耿在國

古今期許此純臣

翁延年明府挽左文襄聯

隻手掃祆氛衡嶽雲開衆山小 長虹接
箕尾海天風靜大星沈

又戴永邦軍門聯

千載證丹忱前出師表後出師表 中興
論元輔湘鄉一人湘陰一人

又張國正太守聯

以一身繫天下安危者三十年看連雲烽
火次第澄清武侯揮扇而軍蓋代大名垂
宇宙 爲聖朝恢復版圖凡數萬里祇橫
海鯨鱓頻煩擘畫宗澤渡河未果出師遣
恨滿滄溟

又劉藩伯連捷聯

勤學好問謂之文關土有德謂之襄星日
大名垂特筆九重孚衆論 黃陵之山屹
若柱湘江之流紆若帶風雲秋氣慘靈旗
萬里送歸魂

又王詩正聯

軍前痛哭老元戎方從絕域歸來頓失瞻
依如父母 地下若逢先壯武偷話中朝
故實莫談坎壈到孤兒

又許貞幹孝廉聯

遺愛留此邦片石重摩墮淚况爲長揖客
時艱需一老大星竟隕鞠躬無復出師

人

古今聯語彙選二集 哀挽一

又王紫田軍門聯

眼中人立脚誰牢四顧茫茫獨有千秋昭
日月 天下事放心不下孤忠耿耿彌留
一語動風雲

又章壽彝司馬聯

長劍倚崆峒勒石有緣賡載筆 舊巢歸
故燕銜泥無計補傾梁

又某君聯

若有一個臣四海方欣司馬相 是謂三
不朽兩川又痛臥龍亡

桐城甘星亭大令挽沈文肅聯

慕公可謂賢哉陸嘉定雖曰罷歸無怨言
猶感知己 武侯從今逝矣廖長沙誰能

十九

起用常痛哭恐為廢人

大令於崇明署任內因公被劾一引慕天顏劾陸

清獻事一用三國廖立傳語

勞辛階制府崇光挽張忠武國樞聯

東南半壁血戰十年那知功敗垂成頓使

江天空保障 俎豆千秋榮褒九陞自詫

言多幸中先從草澤識英雄

蔣鄉泉中丞挽高勇烈運陞聯

立奇勳於六七省之交詔許酬庸萬里頓

歸華表鶴 後先帝僅十餘日而歿忠則

盡命九原長侍鼎湖龍

又周昭晃聯

雲山經用始鮮明記藝苑新開殷勤課士

求師難忘附先子千萬般作育人材之意

聖代即今多雨露看綸音下賞珍重易

名延賞足以酬勳臣二十年勤勞王國之

心

公倡建雲山書院聘周純齋主席故出聯云云

劉果敏典謝情丞茂才聯

一戰遂捐軀友已盡忠殉國難 三軍能

用命我其殺賊報公讎

李小荃制府瀚章挽劉果敏典聯

儒生奮起領戎行績著東南廿載常擢金

鎖甲 丞相出師勞贊畫圖恢西北一星

遽隕玉門關

劉毅齋錦棠挽其叔忠壯公松山聯

生爲將歿爲神慷慨捐軀一咲快酬擒虎
願寧效龍母效杜殷勤誠姪千言慚讀
伏波書

又彭剛直聯

人天闊別兵符催我淚痕多纔七日迴帆
便鄂渚淒涼風雨助成萬衆悲聲此局難
支憾我同時偏後死江漢肅清捷報飛
來心事了憶十年殺賊爲國家整頓乾坤
嘔盡一腔熱血撫躬無愧知公含笑見先
皇

薛慰農觀察時雨挽李祝三聯

與人無忤與世無爭木訥自甘葆真而去
如金在鏐如玉在璞元善所庇有子必

昌

方小東太守爲桐城格敏公會孫工度曲嘗粉墨
登場與伶工爲伍以此褫職居金陵宮保舊第

窮老無聊而狂歌如故薛慰農觀察挽以聯云

少年裙屐老猶豪雍門琴野王笛賀老琵琶
慷慨悲歌歎一官春夢無憑也只如優
孟登場樓閣虛空衣冠傀儡累葉簪纓
今漸替江令宅段侯家謝公棋墅生存零
落悵六月初風先到便從此廣陵絕絕響鶯
花黯淡煙柳淒迷

李篁仙農部挽溫琴舫聯

金石依然灑淚重辜秦相碣人琴何在
傷心獨過海王村

閩縣陳子駒副貢適祺爲南社十子之一生於道

光庚寅家居嵩山即明傅處士汝舟丁戌山房

故址其歿也楊雪滄觀察浚挽以聯云

六如慧業悔多才乃知同降庚寅桃塢蹉

跽艱一第 十子名家生並世恰好卜居

丁戌木虛風調共千秋

太和李月樓二尹子馥髓髀有奇氣咸豐初小刀

會匪之亂率勇援仙遊力戰死其父猶存符雪

樵大令兆繪挽以聯云

風雨二陵秋哭子忍聞秦蹇叔 功名千

古恨封侯空說李將軍

易容之太守在德安府遇賊父子同日殉難俞石

卿太史挽以聯云

地激天驚千里招魂碧血尙無歸櫬路

父忠子孝九原抱恨白頭猶有倚闈人

江蘇撫軍恩壽挽劉忠誠聯

公真有淡泊甯靜之懷相喻無言人孰能

師劉伯正 我方覩講藝投戈之治時艱

待補天胡遽召范希文

又張孝達聯

惟公功在長江當年右挈左提何幸有老

成同志 使我淚傾東海此後外交內治

誰與紓宵旰深憂

又通州張蓄庵先生聯

呂端大事不糊塗東南半壁五年之間太

保幸在 諸葛一生惟謹慎咸同兩朝衆

賢而後新寧有光

汪美生司馬挽吳晴波少尉聯

薄宦清才東野終身纔一尉 工詩善畫

南宮遺跡足千秋

張南山太守挽潘伯臨部郎聯

杯酒猶溫待醉眼醒來方知撒手成千古

園林無恙倘吟魂招得可許談詩共片

時

羅海農太守爲其太翁七十稱祝越二日太守卒

文樹臣觀察挽以聯云

同譜是前緣廿載深交掩淚怕看循吏傳

稱觴曾幾日九原遺恨傷心猶戀老萊

衣

金月川水部以丁外艱回籍卒陳蘭甫學錄挽以

聯云

精銳聰明英絕領袖 變衰搖落淒入心

脾

林在禮挽楊子恂太史聯

酒邊交誼彈指十年君是阮嗣宗人物口

中少臧否 客裏夢魂傷心千里我知李

供奉才名身後不銷沈

福州林薌谿先生精詩學三禮學及門多貴顯晚

歲築射鷹樓嘯歌自適卒後楊陶徑廣文挽以

聯云

有志射鷹清海嶠 何緣騎鶴上崑崙

又沈文肅聯

總角侍龍門風雨嘯歌許以同心如昨夜

輕裝歸馬瀆波濤咫尺失之交臂恨終

天

陳少香挽曾賓谷先生聯

燕市酒添前度綠 廣陵花發昔年紅

陳蘭雪挽蔣湘雪聯

江南舊侶猶存我 身後名山更待誰

林衡甫挽李香平少尉聯

陋其遇老其才發為文章不可一世 頌

其詩讀其書壽之梨棗自有千秋

會稽杜尺莊先生照以文章行誼重於時咸豐紀

元當事議舉先生孝廉方正固辭不許乃疏未

上而先生遽卒時漢軍徐鐵孫觀察榮守紹挽

以聯云

特科正待醇儒天不憖遺鏡水稽山銷氣

色 耆社夙稱前輩吾猶及見詩巢書藏

想風流

詩巢即陸放翁快閣故址建以祀越中詩人者先

生嘗修復之書藏其藏書處也

莫寶齋侍郎挽徐穎占先生聯

人生七十稀難留單豹嬰兒色 修竹三

千滿空憶猶龍老子容

孫叔和先生鼎烈年六十有三引年乞休六十七

歲時復召入都纂修禮書明年歸又一年卒曹

叔潔太史元忠聯云

古寺記同游紅藥詩成前輩風流思謝朓

禮書未奏定紫薇人去太常因革哭蘇

洵

孫在都時與曹同游西山佛寺贈詩孫先成也

沈詠韶先生廷鏞挽淺密之聯

垂死患才多病與文心爭曲折 平生知

己少慘聞詩識廢吟哦

又挽徐子晉聯

寶藥記驚湖自先祖過從至今縱劫海揚

塵猶使後生瞻魯殿 移居來鶴市喜是

翁墨蹟猶昔詎題圖絕筆翻教少監哭昌

黎

蕭山湯某挽某中堂聯

不慙遺一老 以照臨百官

古今聯語彙選二集 哀挽一

宿松吳鎮軍聯驍勇善戰以積勞卒於軍李文忠

挽以聯云

袍澤漸凋零仗劍有誰憐我老 鼓鼙太

悲壯登壇猶悔用公遲

黃平孫蘭皋侯翹江以進士知郡武縣死咸豐

丁巳之難錢塘嚴夢琴通守麗正挽以聯云

漫云徒死勝於不死一死聊完臣子節

既有前生何必今生他生莫現宰官身

侯官王壯愍公有齡撫浙江咸豐辛酉之亂困守

圍城三閱月糧絕城破自縊以殉譚仲修孝廉

代人挽一聯云

裹創飲血百戰此孤城痛鼠雀已無雲壞

睢陽方遠乞賀蘭破敵 循吏忠臣一朝

自千古恨犬羊未盡悲沈浙水更誰生茹
草遺民

濰縣陳覺民太守應聘權詔州其兄某刺史殉全

州之難喪歸道經郡治太守設祭於光孝寺汪

美生司馬煥代僚屬公挽云

先軫此歸元想晉絳英靈颯爽弓刀能殺

賊常山悲喋血仗平原家祭蒼涼旌翼

與招魂

方子嚴觀察挽張海柯軍門聯

識面我無緣名在江淮百戰功勳萬人敵

出師公未捷氣吞雲夢一生忠勇九重

知

軍門陣歿於湖北

滿洲忠武公塔齊布忠勇仁廉轉戰湖南北有功

為中興名將咸豐五年七月薨於蕩陽軍中年

祇三十有九時滿洲香五太守廷桂為長沙縣

知縣挽以聯云

誓清大地山河一捷湘再捷湖二捷鄂爭

奈蕩陽垂捷遽隕台星將軍忠義果忘家

手擲髓髓曾不計上有老親下有弱息

哭斷秋江楓荻生同里官同僚交同盟祇

慚偉略難同空悲舊雨此日東南猶苦戰

眼看瘡痍更憑誰早抒國步力挽天心

葛忠節公雲飛之殉難也義勇徐保夜跡公尸走

竹山門雨霽月微明見公面去其半立崖石下

手握刀不釋左一目猶睜睜如生欲負之行不

能起拜而祝曰盍歸見太夫人乎遂起乘夜浮

舟以歸潘文恭公世恩挽以聯云

忠孝兩難全看碧血淋漓猶留半額頭顱
見阿母 英雄真不死抱丹心冥沒總是
十分肝膽報君王

袁項城督直隸時挽馬玉崑軍門聯云

威揚中土名震強鄰百戰著勳勞並世幸
聯袍澤誼 帝失虎臣人思驍將六年同
涕泗高歌忍聽鼓鼙聲

